



7

15-a

11

~~I VII 7~~

7-15-a-11-

6-29. H-

49



DE  
SALERNITANÆ  
ECCLESIAE  
EPISCOPIS, ET  
ARCHIEPISCOPIS

CATALOGVS.

AVCTORE GASPARE MVSCA,  
EIVSDEM CIVITATIS  
Præbytero.

AD ILLVSTRISSIMVM ET AMPLISSIMVM  
Virum D.D. MARIVM BOLOGNINVM  
Salernitanum Antistitem.

*CVICONIVNCTVM EST COMPENDIOLVM DE  
Vita & gestis Diui Matthæi, ad augendam sui, suorumque  
conciuium, Pietatem conscriptum.*



NEAPOLI, Ex Typographia Stellioz ad Portam  
Regalem. M. D. XCIIII.

SALESMAN

ESTABLISHED

1850

AND

RECTOR

OF THE

CHURCH

OF THE

CHURCH

OF THE

CHURCH

OF THE



RECTOR

OF THE

# ILLVSTRISSIMO, ET REVERENDISSIMO DOMINO

D. MARIO BOLOGNINO Ar-  
chiepiscopo Salernitano.



GASPAR MVSCA EIVSDEM CIVITATIS  
Præsbyter. F.



*VM* ego (Natura Duce) propēsus  
semper fuerim (Illustrissime Anti-  
stes) ad rerum naturalium studiū,  
ad, earūq; præsertim, quæ magis oc-  
cultæ, magisq; reconditæ sunt, inda-  
gationem: ab ijsdem ipsis, ad, illa-  
rum potissimum, quæ sunt à nostra memoria, pro-  
pter vetustatem remota, quòd humanas regāt actio-  
nes, ac moderentur, inquisitionem, ità equidem sum  
vehementer incitatus, ut antiquissimum quodq; scri-  
ptum, ac monumentum Salernitana Ecclesiæ, cuius  
regimen Amplitudini tuæ (Spiritus sancti ductu)  
Philippus invictissimus Hispaniarum Rex, iamdiū  
tuas recognoscens virtutes, libenti animo committi

voluit : maiore sanè labore, q̃ pro viribus mei corporis, accuratissimè conquisitū, nō semel tantū, sed sãpius etiam legerim, ac euoluerim. Cumq̃ hoc tempore, ex studijs hisce, laboribusq̃ meis, non faciliè veniret in mentem, quod scriptione dignum videri posset : tandem mihi, in ea cogitatione, curaq̃ dum versor, visum est, eorum Prasulum, qui à primis, vsq̃ ad hæc tempora, Salernitanam rexerint Ecclesiam, siue ij Episcopi, siue Archiepiscopi, siue S. R. E. Cardinales fuerint, quanta fieri possit maxima diligentia, non modo Catalogum conscribere, sed quæ ad illorum gesta, & tempora pertinere possent, quàm breuissimè comprehendere: ut uno velut intuitu posset unusquisque quicquid ad id argumentum spectaret, percipere. Idcirco enim videtur mihi Dominus singularibus illos voluisse ornare virtutibus, ut suorum maiorum, successores dissimiles haud essent, & in ijs, tanquàm in pellucida quadam chrystallo, optima vita, optimarumque actionum pulcherrimam intuerentur imaginem. Sed hic à me labor, est libenti planè animo susceptus, primū, ut religiosissimis DD. de Capitulo Viris à quibus beneuolentia magis ( ut arbitror ) q̃ iudicio permotis, onus mihi fuerat honorificè impositū,

ut



ut vetera Ecclesia nostra monumenta asseruarem,  
 perlegerem, ac euoluerem, huiusmodi Catalogum in  
 lucem proferens, satis aliqua ex parte facerem:  
 Deinde, ut Amplitudini tua illum dedicans, mei  
 studij, obseruantiaq<sup>ue</sup>, quantam, nostra valet infir-  
 mitas, significationem praberem. Quemadmodum  
 verò ipse nunc inter quamplurimos, qui in hoc li-  
 bello recensentur, Praesules (secundum temporum  
 seriem) es postremus: ita quidem in spem venio, fore,  
 ut pulcherrimo illo principio, particeps nimirum fa-  
 ctus integritatis Sex primorum, magna, atque admi-  
 rabilis Sanctitatis Episcoporum, cum & in Am-  
 plitudine tua cunctorum prorsus, quotquot anteces-  
 serint Antistitū virtutes, imaginario quodam cir-  
 culo fuerint expleta: sic finem conficias, & postquam  
 diutius in Domino hic vixeris, maioraque pro Ec-  
 clesia Sancta Dei obieris munera, in cælum euoles,  
 aeternae beatitudinis fructum ex illo sempiterno, &  
 maximè admirabili Sanctissimæ Trinitatis circulo  
 feliciter percepturus. Accipe igitur (Illustrissime  
 MARI, primum hunc, qualiscunque est nostri in-  
 genij fructum, amplissimo tuo nomini dicatum: quē  
 si eo gustu, quo libenti animo datur, acceperis, nec  
 OTTAVI  
 iniu-

iniucundum fore, nec insuauem confido. Quòd si  
 gratum Amplitudini tua fuisse illum sensero, sic  
 planè meum accendetur ingenium, ut indè longè  
 uberiores fructus; nec magnanimitate tua indignos  
 id polliceri possim fore, deinceps allaturum. Vale.

LECTO.

## LECTORI STUDIO



VSCEPI (Lector optime) labore hunc, colligendi seriem, quin & res gestas, quantum licuit, Episcoporum, & Archiepiscoporum, qui præclarissimæ Salernitanæ Ecclesiæ præfuerunt, eo primùm consilio, ut quacumq; via possem, illius dignitati & Amplitudini consulerem: Tùm deindè, ut posset quilibet antiquitatis, & rerū Ecclesiasticarum studiosus, illorum collectionem in promptu habere. Postremò, quia contextus hic Præsulum particulariū Ecclesiarum, qui summo Pontifici, B. Petri successori, & Christi Vicario, tanquam membra Capiti adhærentes, Romanæ Ecclesiæ, omnium aliarum parentis, & magistræ, communionem constantissimè retinuerunt, mirificè confert, ad confundendam hæreticorum impudentiam, qui tantoperè nituntur Diaboli Ciuitatem ædificare, & Ecclesiæ nomen arrogantissimè sibi vindicare; cuius illi Episcopos, neq; ostenderunt vnquam, neq; ostendere poterunt. Sicut contra, Dei Ciuitatem perpetua, sanctissimaq; Episcoporum successione constitutam, nos Catholici ubique ostendimus, & exhibemus. Porro in ea re, secuti sumus exemplum eruditissimi viri Antonij Demòcharis in libris de sacrificio Missæ; ac multò etiam magis doctissimorum, & sanctissimorum Episcoporum, & Cardinalium Caroli Borromei, Gabrielis Palæoti, & Augustini Valerij, qui hoc ipsum in Mediolanensi, Bononiensi, & Veronensi Ecclesia præstiterunt. Nec Illustrissimum Dominum meum, D. Ludouicum de Torres Archiepiscopum Montis Regalis silentio prætermittam, qui cùm multa in sua Ecclesia, sanctè, pièq; egerit, id ipsum, accuratissimè præstare voluit. Ad ordinè quod attinet, & numerū priorū Episcoporum, si antiquitas, & præstantia Salernitanæ Urbis spectanda est, cū  
Magi-

Magistratus à se delectos semper habuerit, fueritq; Proconsulū, ac postremis tēporibus maximorū Principū Sedes, satis indicatur, Metropolitico iure, in cēteras illā adiacentes regiones fuisse vsam, vt ex Liuius, Leone Ostiensis, Edimberto Longobardo, Ro moaldo secundo, & alijs Historicis, abundē constat. Id, quod suadet mirum in modum, vt existimem à primis ferē nascentis Ecclesiæ sæculis, proprios illam habuisse Episcopos: Decreuerat enim B. Petrus, quod testatur S. Clemens, vt in præcipuis quibusq; Ciuitatibus Episcopi constituerentur. Quod si verū est, vt certē arbitramur veri simillimum: multo plures fuisse in illa Episcopos necesse est, ac multorum nomina, & res gestas ad nos non peruenisse. Vt cunq; tamen se res habeat, nos omnem adhibuimus diligentiam, vt ex inscriptionibus, antiquisq; pieturis Atrij, Breuiario Ecclesię, Chronicis Longobardorum, alijs monumentis, & traditione, quoad fieri potuit, locupletiore tibi Catalogum daremus. Vtinam circa priores Episcopos, quos in Sanctorum numero, Ecclesia nostra semper habuit, ac venerata est, certius aliquid, præter dicenda, afferre potuissemus. Sed in ijs, Tabulas, Breuiarium, Missale, & antiquas inscriptiones Altaris, quod Sanctorum Confessorum appellatur, aliq; monumenta Ecclesię nostrę, quorum fides certa habetur, quoad illorum ordinem, nō numerum, secuti sumus. Qua in re, conatum meum equi, boniq; consules, qui, Ecclesiæ huius insignis memoriam illustrare, & studia tua, qualicunq; opera potui, iuuare studei. Vale.



DE ILLVSTRISSIMO CATALOGO PON-  
tificum Salernitanæ Ecclesiæ ex Luciani Para-  
mia Hexasticon.

IOHANNIS FRANCISCI LOMBARDI  
Neapolitani.

**Q**UID Mirum, si Marsilium, nunc *MUSCA*, Elephantum  
Vincit? sic fortes comprimit ecce *DEVS*.  
Hic ampla, & vigili cura nimis vsq; Salerni  
Pastores ornat (pace Columna tua)  
Quare vt *MARSILIO*, debet tibi Gaspar idipsum  
Patria; quæ curret leta per ora Virum.

VINCENTII GAMBACVRTII CILEN-  
tiæ Marchionis filij Hexasticon.

**A**SPICE (Lector, Opus; sunt hic memoranda Salerni  
Inclite Pastorum, nomina, facta, simul.  
Non tibi displiceat, doctas has vertere cartas,  
Miraque, quæ *GASPAR* Musca legenda dedit.  
Quid facis? eya age tantos hos iam volue labores;  
Optimus herclè, Auctor, maxima quæque facit.

PETRI GATTVLA CANONICI SALER-  
nitani Art. & Sacræ Theologiæ Doctoris Carmen  
Ad libellum.

**P**RODI tandem, tot lustris, optate libelle,  
Quid iam? quidvè mora nunc tua fata tenent?  
Detege Pastorum patrias, cognomina, facta,  
Nomina, quot, qua cum religione forent.  
Gratus eris cunctis: te amplexus quisq; merenti  
Oscula sæpè dabit, terq; , quaterq; lege ns.  
Ante oculos (non hæc te axilla, vel altera stringet)  
Semper eris; lector vertet ubiq; manu.

*Correptus somno, noctu. lassusq; labore :*  
*Sic dicet ; mecum dulcis Amice ueni .*  
*Cervical factus puluini, tuncq; quiesces :*  
*O felix lector , somnus & ipse simul.*  
*Zoile quid dicis ? garrisne ; accede miselle .*  
*Viuida, nunc uiui, heu garrula lingua perit .*

CANDIDO LECTORI, DONATI LAV-  
 rerij Carmen .

**N**OSCERE si cupis, antiqui monumenta Salerni,  
 GASPARIIS argutum perlege ( lector ) opus.  
*Hic Apis una uelut studiosa , è marmore , flores*  
*Legit, & ad Patriam, munera grata , refert.*  
*Vrbis Pastorum celebris monumenta silebant*  
*Tantumq; etiam , nomina tanta uirum .*  
*Musca , Decus Patriæ, caritur quæ Dadala tellus ,*  
*Reddidit Illustres , sub breuitate, tuus.*

CARMEN MICHAELIS ANGELI GRAN-  
 datij Salernitani, Ad D. GASP. Muscam Decretorum  
 Doctorem, & Canonicum Salernitanum.

**E**N doctus tumultus obscuritas excitat umbras  
 Pontificum GASPARI, dum sacra gesta canit.  
*Quorum prima fuit vastum nam fama per Orbem*  
*Nobilium trisli morte sepulta uirum .*  
*Ceu radijs Titan Cælum fulgentibus ambit,*  
*Et toto tenebras æthere luce fugat ,*  
*Sic tua doctrinæ nitidis lustrata S A L E R N I*  
*Immensi radijs , luminis ora micat .*  
*Pastorum fulcit sublimi nomine laudes,*  
*Mandat & æternis nomina sacra Libris .*  
*Macte animi pietate, vices tibi grata rependent*  
*Sæcla, decus tollent, GASPARI, mastra tuum.*  
*Quandoquidem, doctis reparas , monumenta libellis ,*  
*Cum possint longam Saxa timere diem .*  
*Hi pro te reddent, Summo, pia vota, Tonanti ;*  
*Præbeat, ut felix, quo pede, tendis , iter.*

DE EPISCOPIS ET  
ARCHIEP. SALERNITANÆ  
ECCLESIAE CATALOGVS.

*GASPAR E MVSCA PRÆSBY-  
tero Salernitano Auctore.*



ANCTVS BONOSIVS Ecclesiæ  
Salernitanæ Episcopus, de quo in Marty-  
rologio Romano, & in Vita Beati Gra-  
matij Salernitani Episcopi eius succes-  
soris, fit mentio, vt habetur in Breui-  
rio Salernitanæ Ecclesiæ, vbi & hæc de il-  
lo legitur, Oratio.

Deuotum tibi populum ( benignissime Deus ) clementer  
exaudi, vt qui pio affectu venerandam B. Bonosij confessoris  
tui, atq; Pontificis recolit solemnitatem, eius meritis apud te  
peccatorū obtineat remissionem. Per. &c. Eiusdem meminit  
Vir pietate & religione præstâtissimus Cæsar Baronnius in no-  
tis ad Martyrologium prædictum xiiij. Kal. Nouembris.



**S**ANCTVS GRAMATIVS Salerni Episcopus, nobilibus parentibus, sed ob Christianę pietatis cultum longè nobilioribus, genitus, Diuinę Maiestatis venerationi mirabiliter à pueritia deditus, cum disciplinarum studio, morum ac vitę integritatem coniungens, grãdior factus, vt Christum Dominum, paupertatis auctorem, toto sectaretur animo, suas pauperibus facultates distribuit. Mox cum Sanctus vir Bonosius Salernitanę Vrbis Episcopus ex hac peregrinatione ad cœlestem Patriam euolasset, quamuis inuitus, incredibili omniũ consensu Episcopus creatur. In cuius honoris fastigium euectus, eandem tamen pauperum sollicitudinem semper habuit, eadem in corde humilitas, eadem in vultu grauitas erat. Assiduis populum concionibus ad humanarum rerum contemptionem, & æternę beatitudinis desiderium, vehementer excitans, orationibus, vigilijs, ac ieiunijs, ita carnem spiritus imperio subiciebat, vt terrenis negotijs solutus, mente celestibus inhæreret. Morti tandem proximus, superlectilia domus egenis ac pauperibus suis ipse manibus elargitus, accitos præsbiteros & clericos, veluti filios de sua ad Dominum transmigratione commonet, ad benè, Christianeq; viuẽdum cohortatur, & simul Salernitanam Ecclesiam (quod ad gloriosi corpus Apostoli & Euangelistę Matthæi pertinuit) haud multo post tempore cœlesti fore Thesauro insignem prænunciat, erectisq; in cœlum oculis v. Idus Octobris, qui dies quorannis in Ecclesia Salernitana, ad eius honorem festus agitur, obdormiuit in Domino. Eiusq; sanctitatem quàm plurimis postea miraculis, qui est mirabilis in Sanctis suis Deus illustrauit, per quem cœcis videndi, & surdis audiendi, & mutis loquendi, & claudis ambulandi facultatem restituit. Leprosos mundauit, ac paralyticos etiam curauit,



curauit, & ab immundis spiritibus oppressos liberauit. Hæc ex eodem Breuiario, vbi & huiusmodi habetur, Oratio.

Deus qui hodiernam diem sacratissimam nobis B. Gramatij Confessoris tui atque Pontificis solennitate tribuisti, adesto propitius Ecclesiæ tuæ precibus, vt cuius gloriatur meritis, muniatur suffragijs. Per &c. Martyrologium & Baronius item de illo meminit loco citato.

---

**S**ANCTVS VERVS Salernitanorum Episcopus, de quo, & Oratio extat in ipso Breuiario, quadringentos ab hinc annos amplius, edito.

Deus qui perennem gloriam sanctissimi Confessoris tui Veri atq; Pontificis animæ contulisti, tribue quæsumus, eius nos apud te patrocinijs ità sublimari, vt cum eo vitam possideamus æternam. Per &c.

Meminit etiam Baronius in notis ad Martyrologium Romanum x. Kal. Nouembris, quo die Salerni cœlebratur eius Officium.

---

**S**ANCTVS EVSTERIVS Salernitanus Episcopus: de quo idem Breuiarium, & Martyrologium Romanum: cuius natalis dies colitur Salerni, die xjx. Octobris: In ipso quidem Breuiario de eo orationem habemus ad hunc modum.

Deus qui B. Eusterius Pontifex, ita sanctitatis gratia decoratus complacuit, vt tuorum consortium in cœlis promeretur Sanctorum: da Ecclesiæ tuæ, quæsumus, eius interuentu, perpetuam consequi lætitiā, cuius depositionis diē gratulando celebrat solennem. Per. D.

SAN-

**S**ANCTVS GAVDIOSVS Salernitanus Episcopus, ex prædicto Breuiario, vbi & hanc legimus orationem, Oratio.

Omnipotens sempiternæ Deus, qui hodierna die B. Confessorem tuū atque Pontificē Gaudiosum beatitudinis æternę gloria sublimasti: concede propitius, vt, cuius misterium veneramur in terris, intercessionis eius auxilio, apud misericordiam tuam, muniamur in cœlis. Per.

Porro corpus eius Salerni requiescit in inferiori crypta eiusdem Salernitanæ Ecclesiæ, non autem Neapoli, vt falsò nonnulli putant. Nam Gaudiosus ille, cuius corpus Neapoli asseruatur, Africanus fuit Episcopus, & ob Vandalorum persecutionem, in Campaniam venit, & in monasterio apud eam urbem, sancto finē quieuit, & eius mors in conspectu Domini præciosa, celebratur à Romana Ecclesia v. Kal. Nouembris. Quomodo verò fuerit gloriosum eius corpus, Neapolim translatum, nescimus, sed dicant ij, qui nostræ aduersantur veritati. Gaudiosus verò noster, Salerni Episcopatū gessit, vitamq; ibidem cum degisset, in Domino mortuus est. Et hæc ne finxisse videamur, non obscuro doctissimi Viri Cæsaris Baronij in notis ad Romanum Martyrologium, in mense Octobris, testimonio comprobantur. Sancto huic Episcopo Anniuersarium præstatur Officiū Die xxvj. Octobris.

**S**ANCTVS VALENTINIANVS Episcopus Salerni. Ex supradicto Breuiario, vbi hisce contexta verbis reperitur, Oratio.

Adiuua nos quęsumus Domine, deprecatione S. Valentini  
niani

niani Confessoris tui atque Pontificis, & præsta, vt cuius hodie solennitatis diem cum lætitia spiritali veneramur in terris, eius auxilium sentiamus in cœlis. Per.

De quo etiam Cæsar Baronius, cuius festus dies agitur Salerni, tertia Nouembris.

Quorum omnium Sanctorum sex Episcoporum, corpora in Maiori Salernitana Ecclesia, ad præsens sub vocabulo B. Apostoli, & Euangelistę Matthæi, in inferiori basilica ad Altare sanctorum Confessorum, quod spectat ad occidentem, honorificè cū sacris alijs Sāctorum Reliquijs, recondita sunt.

---

Anno Christi. 500.

**G**AUDENTIVS Symmacho Summo Pontifice, & Anastasio Imperatore Anno Domini 500. Salernitanę Ecclesię præfuit. His temporibus cū Laurentius præbiter contra Symmachum in Sedem Apostolicam fuisset intrusus, multaq; mala Steodoricī Gothorum Regis auctoritate, nixi Schismatici in Catholicos inferrent, Symmachus vt his malis remedium afferret, Synodum. C. V. Episcoporum Romę cœgit, in qua damnatis schismaticis, aliquę leges ad schismata futura tollenda de Romani Pontificis electione latę sunt, cui Synodo Gaudentius interfuit, & subscripsit, vt ex prima synodo sub symmacho habita, constat.

---

Anno Christi. 534.

**A**STERIVS Agapito Summo Pontifice, & Iustiniano Imperatore floruit, circa Annū Domini 534. Quo tempore Agapitus Pontifex Anthimum Constantinopolitanum

num Episcopum hæreticum Eutychianæ impietatis sectatorem deposuit, in eiusque locum Mennam substituit. Qua de causa Constantinopoli Synodus habita est, in qua Anthimus Petrus, Seuerus & alij hæretici damnati sunt; huic Synodo Asterius Salernitanus Episcopus vt legatus Sedis Apostolicę vnà cum Sabino Canusij, Epiphanio Esculanorum, Leone Nolanorum, Rustico Fesulanorum Episcopis, & Theophane atq; Pelagio Romanæ Ecclesiæ diaconis, præfuit, vt ex eiusdem Concilij actis apparet.

---

Anno Christi. 652.

**L**UMINOSVS Martino Summo Pont. & Cōstante Imperatore Salernitanæ Ecclesiæ Episcopatum gessit Anno Domini 652. Eo tempore Monothelitarum hæresis vnā in Christo voluntatem & operationem asseuerantium vigeat, & Constans Imperator huius hæresis impijssimus defensor, multa mala in catholicos perpatrabat. Martinus Summus Pont. ad eā heresim & Sectatores damnandum C.V. Episcoporum Concilium Romę congregauit. Cui Concilio Luminosus interfuit, & subscripsit, vt ex eiusdem Concilij actis licet videre.

---

Anno Christi. 680.

**I**OANNES, Agathone Summo Pont. & Cōstantino. IV. Imperatore Anno 680. Romam ad Conciliū CXXV. Episcoporum accessit, in quo legatos & Sinodicas literas cōtrā Monothelitas ad sextum generale Concilium Summus Pontifex destinauit, ex subscriptionibus Synodi.

ZAC-

---

ZACCHARIAS Episcopus Salernitanus.

---

COLVMBVS Episcopus Salernitanus.

---

LVPVS Episcopus Salernitanus.

---

RENOVATVS Episcopus Salernitanus.

---

BENEDICTVS Episcopus Salernitanus.

---

TALARICVS Episcopus Salernitanus.

---

ANDERAMVS Episcopus Salernitanus.

---

Prædictorum verò Episcoporum, quonam tempore, vel quamdiu vixerint, aut mortui sint, quidue fecerint, nullā sanē ob temporum iniuriam, ac bellorum calamitates, præter eorum seriem, extat monumentum.

---

Anno Christi. 762.

---

**R**ODOPERTVS Episcopus Salerno, præfuit Cathedrali Ecclesiæ Salernitanæ sub vocabulo Sanctæ Marię Angelorum, florente Arichi, ex Longobardorum genere, primo Salernitanorum Principe, Anno Domini 762. Indictione xv. Cui Principi successit Grimoaldus filius, Anno 780. Indictione xiiij. Rodopertus verò multos annos vixit.

C Anno

Anno Christi. 818.

**R**ODOALTVS Episcopus Salernitanus, eidem præfuit Ecclesiæ Sicone Principe. Quo tempore Vrbs Canusia capta fuit ab Agarenis. Quod accidit, Anno Christi 818. Ind. xj. tunc etiam Saraceni Siciliam, & mox Apuliam vastarunt, vixit autem Rodoaltus annos sexdecim.

Anno Christi. 834.

**P**ETRVS primus huiusce nominis Episcopus Salerni. Cum esset Episcopus Canusiæ, inde fugiens Salernum, ibidem mortuo Rodoalto, de quo loquuti modò sumus, Anno 834. Indictione xij. Sicardo Siconis filio Principe, creatus fuit Episcopus, suoq; sumptu Ecclesiam iuxta prædictam Sedem, in honorem B. Ioannis Baptistæ, mira magnitudine construxit, licet ad culmen usq; præueniente morte, non potuerit perducere. Ea est hodie in Aedibus Dominorum de Aiello, iuxta maiorem Ecclesiam, & apparent vestigia. Hic verò Petrus fuit Grimoaldo Principi cognatus, annosq; decem in Episcopatu vixit.

Anno Christi. 844.

**R**ACTVLVS Episcopus Salernitanus præfuit Ecclesiæ prædictæ Anno Christi 844. Quibus temporibus Radelchis, & Sighenolfus consanguinei Principatum iure belli occupauerunt, & Ludouico Italiæ Rege arbitro vsi; Sighenol-

ghenulfos Princeps creatus est, Radelchisus Bencuentano Ducatu est potitus. Vixitq; Raetulus in Episcopatu Annos quatuor.

---

Anno Christi. 848.

**M**AGNALDVS Salernitanus Episcopus, suscepit Episcopatum Ecclesiæ prædictæ, Anno Christi 848. Indictione xij. Sicone secundo, & filio Sighenolfi Principibus. Vixitq; bonus Magnaldus Episcopus, annos quinque.

---

Anno Christi. 853.

**T** EVPVS Salerni Episcopus infirmorum visitator, viduarum, orphanorumq; protector extitit. Prædictæ præfuit Ecclesiæ Anno Christi 853. Indictione prima, Radelchio Principe, Sighenolfi filio. Gessit Episcopatum Teupus piissimus Pastor Annos quatuordecim.

---

Anno Christi. 867.

**A**LO Salerni Episcopus, vir sanè præclarus & bonus, Ecclesiæq; reparator. Lectorinum ex gypso fecit miræ pulchritudinis in Ecclesia Salernitana. Præfuit Anno Christi 867. Indictione xj. Adelchio Principe, fratre Radelchij, qui è viuis sublatus fuerat sine liberis. Alo autem per quinquenium optimè cum rexisset Episcopatum, vitam cum morte commutauit.



Anno Christi. 872.

**L**ANDEMARIUS Episcopus Salerni, fuit ex finibus Nuceriæ, nobilibus ortus parentibus. Præfuit Anno Domini 872. sub Ademario quodam ex Longobardis nobilissimo; qui cum cœpisset arma aduersus Adelchium Principem, eundem à Principatu eiecit. Et Dauferius quidam, eo ex hac luce sublato, & proximioribus consanguineis paucis mensibus, occupatum Principatum moderatus est; filioq; suo Guayferio, in omni laudis genere excellenti, nec tam bellicis rebus, quàm religione illustri, Principatum reliquit. Hic viginti annis præfuit, ac sese in Casini ædes sacras, sepeliendum, monastica veste indutum, dùm in humanis agebat testamento cavit. Aedificauit etiam Ecclesiam Sancti Maximi, vt in tabulis sacri Monasterij Cauensis conspicitur testimonium his verbis, In nomine Domini Dei Saluatoris nostri Iesu Christi, regnante Domino Ludouico Imperatore Augusto, Anno, Deo propitio xx. mensis Nouembris secunda Indictione. EGO GVAYFERIVS diuina gratia Princeps, filius quondam Dauferij Principis, diuino auxilio me adiuuante, intus hanc Salernitanâ ciuitatē à super ipsâ fistula propinqua casa mea, à fundamine vsq; ad culmen Ecclesiam Dei ædificauī, in honorem, & vocabulum B. Sancti Maximi &c.

Ex Guayferio Guaymarius ortus est, qui Principatus iura sumpsit Anno Domini 880. Indictione xiiij. natus quidem ex Laudelaica Principissa vxore. Is vero sumpit vxorē, Gailtelgriam, Guidonis Beneuentani Ducis filiam, suscepitq; filiū Gisulphum, & Guaymarium Anno 894. Indictione xij. Vixit in Episcopatu Landemarius annos triginta septem.

Anno.



Anno Christi . 909.

**B**ERNARDVS primus Salerni Episcopus, ex ciuitate Latiniana ortus: Præfuit Anno Christi 909. sub Gifulfo huius nominis primo Principe, parentibus quidem ortus non infimis, fecit in sua sede campanile miræ pulchritudinis, & Ecclesiam Sancti Ioannis Baptistæ, quam Petrus Episcopus fundauerat, denuò à fundamentis construxit. fuit natura mitissimus, Ecclesiæq; reparator. Aliâ sub nomine Saluatoris Ecclesiam ædificauit, eandemq; confessori Felici dicauit, & ipsius Ecclesiæ altare nonnullis sacris corporibus ditauit. Anno verò 940. imminente Agarenorum incursione, metuens ne proprijs fraudaretur patronis, Sâctis quippe Martyribus, FORTVNATO, C A I O, & A N T H E; sacra eorum corpora, ex propria Ecclesia, vbi per longa temporum spatia requieuerant, iuxta flumen qui Lirnus appellatur, idē egregius præsul ad Ecclesiam iam dicti Sancti Ioannis intrâ mœnia ciuitatis, debito cum honore deportauit, & ea ibidem perhonorificè collocauit, extructo in honorem ipsorum Sanctorum Martyrum, FORTVNATI, C A I I, & ANTHAE, beatorumq; omnium Apostolorum, Altari. Idem cum multitudine Clericorum, necnon Laicorum, non procul à dicta iam ciuitate, ad locum qui Faianum dicitur, in finibus Salernitanis, venit; & magna cum reuerentia, pijsq; orationibus Beatorum confessorum, pariterq; Pontificum corpora, quæ diù illic requieuerant, Cyrini, & Quingefij, Syndone munda inuoluta, cum sacris misterijs ab ipso dicto iam Episcopo, Clero & Populo, magna cum exultatione, cum cereis & lanipadi- bus, piè sequentibus, Salernum translata sunt; & in Ecclesia, quam in eorum honorem construxerat, decenter locauit: sed

ca

ea Ecclesia, quæ, & vbi fuerit, ignoratur. Nūc enim in inferiori crypta maioris Ecclesiæ Salernitanæ, ad altare Sanctorum confessorum, occidentem versus, recondita inueniuntur. Passi autem fuerant gloriosi Martyres carcerem, & varia tormenta, sub proconsule Emaglieniano, in ciuitate Buzocense, sub Imperatoribus Diocletiano & Maximiano. Quod fuit circiter annum à partu Virginis 282. Die decimaquinta Maij. Qua die eorum translationis Officium in Ecclesia prædicta celebratur. Leontius verò supradictus proconsul ad templum Priapo dicatum, quod iuxta Urbem Salerni constructū erat (quod hodiè sub vocabulo sancti Fortunati nuncupatur, capite plecti iussit, ibique auibus, bestiisque deuorandis reliquit. Exinde tandem, vt dictū est, eorum corpora asportata, in inferiori basilica dictæ maioris Ecclesiæ, ad Altare Crucifixi, meridiem versus, requiescunt. Festum verò eorū præciosæ mortis, colitur die xxviii. Augusti. Eodem quoque tempore, ex Lipari insula, Beneuentum corpus Apostoli Bartholomei translatum fuit, sub Sicardo quinto Principe Beneuenti, & tempore Sergij Pontificis maximi, quo Saraceni vastarunt Italiam, & facta diuisio fuit, inter Principatum Beneuenti, & Salerni. Vixit autem Bernardus bonus Episcopus Annos triginta duos.

---

Anno Christi. 942.

**R**ACHENALDVS Episcopus Salerni à Principe Gifulfo, & populo electus fuit Anno 942. sanctissimę quidem vitę, adeo vt Dominus noster Iesus Christus pluries illi in somnis apparuerit. Circa verò hæc tempora floruit Beatus Alferius Salernitanus, primus Abbas sacri Cœnobij Cauesis

uenfis, & institutor. qui cum sanctè centum, & viginti annos vixisset, mortuus ē in Domino, in die cœnæ eiusdem, expletis per semetipsum sacri illius diei diuinis Officijs; & in eodē sacro monasterio sub nomine sanctissime Trinitatis clarus miraculis, sepultus requiescit. Vixit autem Rachenaldus Episcopus annos quinque.

---

Anno Christi. 947.

**P**ETRVS secundus, Episcopus Salernitanus, præfuit Ecclesiæ prædictæ Anno 947. cognatus Ademarij Principis. Vixit sanctè, vitamq; sanctè clausit; cum per trienniū suam Ecclesiam gubernasset, ea, qua decet, pastoralis vigilantiæ, sub Gisulfo Principe, & Guaimario fratre.

---

Anno Christi. 950.

**P**ETRVS tertius, Episcopus, ex ciuitate Acerni orundus, & medicus excellens, præfuit sub Gisulfo prædicto Principe, Anno salutis nostræ 950. Mortuus quarto sui Episcopatus Anno.

---

Anno Christi. 954.

**B**ERNARDVS secundus Episcopus Salernitanus, vir Sanè magnæ felicitatis, cum ipso præside, ac Gisulfo Principe translatus fuerit corpus B. Apostoli & Euangelistæ Matthæi ex Pæstana ciuitate Salernum, in maiorem Ecclesiam

clesiam sub vocabulo Sanctæ MARIÆ, Anno Domini 954. die vj. Maij, sub Agapito secundo Pont. maximo. Cuius translationis memoriam quolibet anno die prædicta, Ecclesia Salernitana per octo dies, cum hymnis, rosas & floribus solenniter veneratur, magna cum hominum frequentia, ac pietate; ex quo sacratissimo corpore præciosus & sanctus liquor, Manna vulgò dictus, effluit, ad mala omnia Antidotus præsentissima, quemadmodum plurium sæculorum experientia docuit: nec studiosus veritatis lector miretur, nos dixisse prædictam translationem sub Agapito secundo factam, cum Breuiarium Romanum, & Cæsar Baronius vir Illustris in Martyrologio Romano die vj. Maij fol. 202. sub Gregorio VII. factam asserant: nam illam diximus fuisse ex Pæstana ciuitate Salernum, hanc verò dicimus ex dicta maiori Ecclesia ad nouum templum, ære Ducis ROBERTI GVISCARDI, tunc Principis Salerni edificatū, & Beato Apostolo, & Euāgelistæ Matthæo dicatum; in quod veluti per nouam translationem, Gregorij septimi tempore, fuit asportatum, & in inferiori ipsius templi Basilica collocatum. Reddidit autē Christo animam Bernardus, Anno post Beati Apostoli corporis translationem, quarto, peste confectus Anno scilicet 958.

---

Anno Christi. 958.

**P**ETRVS quartus Episcopus Salernitanus præfuit anno Domini 958. sub Gisulfo & Ioanne eius filio, cuius vxor appellabatur Sighelgaida, & construxerant Ecclesiam Sanctæ Mariæ de donno, siue de dominabus; quæ hodie est parochialis intra ciuitatem Salerni. Ex Ioanne natus est Guaimarius, qui & Senior & balbus appellatus est, & principatum tenuit vsque ad annum 1052. Ex collachrymabili secu-

li seculo Petrus ad coelestē patriam abiit, vndecimo sui Episcopatus Anno.

Anno Christi. 969.

**I**OANNES postremus Episcopus Salernitanus, præsuit Ecclesiæ prædictæ anno salutis 969. sub quadragesimo quinto anno Principatus Gisulfi, & anno quarto Gēmæ vxoris, vt ex bulla dicti Ioannis, quæ in sacro Monasterio Cauēsi asservatur. Hic suasu eiusdem principis liberam fecit Ecclesiam Sancti Nicolai ad palmam, quod ex literis super hoc editis, atq; in dicto monasterio reconditis, apertē perspicitur. Vixit autem in Episcopatu Ioannes annos quinque.

Quorum omnium supradictorum Episcoporum, præter illa, quæ dicta sunt à nobis ex chronicis, depictæ conspiciuntur imagines cum nominibus & numeris in Atrio Ecclesiæ Salernitanæ, quamvis earum aliqua, tcm-  
pore, nupporum vetustate, & instaurandi operis  
necessitate, sine illius, & ædificandi  
ex parte deletæ, si-  
ue corro-  
sa.





Anno Christi. 974.

**A**MATVS, primus Archiepiscopus Salernitanus; præsuit Anno Dñi 974. Illum autē fuisse cōstat Archiepiscopum, tūm ex Bonifacij septimi priuilegio, qui Anno Christi 974. Salernūm Archiepiscopatu nobilitauit, tūm ex Bulla, qua Ioannes XV. ad Grimoaldū Archiepiscopum Salernitanū anno 985. Eiusdem Amati mentionem facit. Ioannes Principis insignibus ornabatur, eiusq; ēt opera Salernitanæ Ecclesiæ prædictæ Archiepiscopatus iura delata fuerunt, itaq; in eiusdem gratiam Ecclesia Sanctę Marię de Donno, quam ipse construendam curauit ab omni Archiepiscopi iure liberauit. Extant literę in sacro Monasterio Cauensi: quarum principium: En ego Amatus Domini gratia Archiepiscopus sanctę Sedis Salernitanæ, clarē facio &c. Vixit Amatus annos sex.



Anno Christi. 980. A

**D**AUFERTIVS, secundus Archiepiscopus Salernitanus, praefuit Anno Domini 980. Ex Ioannis XVI. Bulla. Ioannes Princeps Salerni florebat. Quo etiam tempore Coenobium Sancti Benedicti in vrbē Salerni fuit a Saracenis vastatum, & anno 984. Ab Angelario venerabili Abbate coeptum est refici. Ab hac, quae vocatur vita, discessit Dauferius, anno quinto sui Archiepiscopatus.

Anno Christi. 984. A

**GRAMDALDVS**, tertius Archiepiscopus Salernitanus, praefuit Anno Domini 984. Ex Bulla Ioannis, vi. xii. vsq. ad annum 1006. Sub Ioanne Principe, a quo & ex ore eius Sighegaida denuo constructum est templum Virginis Matris, quod de Dominabus dicitur, Salerni propè nenia, sexto videlicet anno Principatus eiusdem, & primo Guaymarij filij.

Anno Christi. 1007. A

**M**ICHAEL, quartus Archiepiscopus Salernitanus, praefuit Anno Christi, 1007. Ex bulla Sergij Quarti, sub Guaymario Ioannis filio, cognomento, Balbo. Vixit in suo Archiepiscopatu Annos nouem.

D 2 Anno

Anno Christi. 1016.

**B**ENEDICTVS primus, & quintus Archiepiscopus Salernitanus, præfuit anno 1016. Ex Bulla Benedicti septimi: fuit adiutor pauperum, vixitq; sub Guaymario prædicto, annos viginti duos. Ipso Benedicto Archiepiscopo Salerni, anno 1019. Calistus secundus, Ioannem Dauferium Salernitanum, Cardinalem, titulo Sancti Nicolai in carcere Tulliano, insignem creauit.

Anno Christi. 1038.

**A**MATVS secundus, & sextus Archiepiscopus Salernitanus, præfuit Anno Domini 1038. Ex bulla Benedicti octauus, sub prædicto Guaymario Principe, vixitq; annos tres in sua Sede.

Anno Christi. 1041.

**A**MATVS tertius, septimus Archiepiscopus Salernitanus præfuit Ecclesiæ prædictæ, anno 1041. Ex Bulla Benedicti Octauus, Vixit in Archiepiscopatu annos sex, sub Guaymario Principe.

Anno Christi. 1047.

**I**OANNES primus, & octauus Archiepiscopus Salernitanus; erat Pestanus Episcopus, & ad Cleri & Principis Guaymarij electionem factus est Salernitanus Archiepiscopus,



scopus, anno 1047. Ex Bulla Clementis secundi, & Leonis noni, in qua fit præclara mentio de Sanctitate, bonitate, castitate, & benignitate eius: sub Guaymario, qui tenuit Principatum vsq; ad annum 1052. Habuitq; filios tres, nempè Guaymarium iuniorem, Gisulfum, & Guidonem. Hic adeptus est Ducatum Amalphie, & Surrenti; Vnde insigniri solebat, Dux Amalphie, & Surrenti. Ex Guaymario iuniore anno 1053. genitus est alter Gisulfus, & Pandolfus; atque hic Guaymarius ad litus maris, coniuratione Amalphitanorum, & Aulicorum suorum cæsus est. Itaq; Principatus delatus est Gisulfo filio, ex quo ortum duxerunt Pandolfus, & alter Guaymarius, licet in Gisulfo Longobardorum series desierit, eo à Roberto Guiscardo expulso, vt inferius dicetur. Ioannes ab huius vitæ miserijs ad æternæ, beatq; vitæ (vocante Dómino) gaudia migravit, anno decimo sui Præfatus.

---

Anno Christi. 1057.

**A**LPHANVS primus, & nonus Salernitanus Archiepiscopus, fuit Monachus Cauensis, sub disciplina B. Leonis patritij Lucensis, & secundi Abbatis prædicti sacri Monasterij. Præfuit anno 1057. Ex bullis Stephani decimi, dicti Noni, & Alexandri secundi: Gisulfo immanissimo Principe, quo tempore cœperunt florere Normanni. Huic à Stephano decimo, quibus diebus, vt pallio debeat ad missarum solennia celebranda, præscribitur; facultasq; nominandi, eligendi, & consecrandi vndecim Episcopos suos suffraganeos; videlicet, Pæstanum, Compl anum, Acherontinum, Nola-num, Cosentinum, Bisinianensem; Melphitanum; Policastrensem, Mariscanum, & Cassanum, iisdem literis conceditur.

tur. Alexander verò secundus cū esset Capuæ anno 1068, Salernitanæ Ecclesiæ priuilegia vetera confirmauit, & anno sequenti ad res Campaniæ visendas, more instituto profectus Salernum accessit, ac Conuentum Episcoporum Abbatūq; egit, cui Gisulfus Princeps Salernitanus & Robertus Dux, & Rogerius comes frater eius interfuerunt: ibi Gulielmus Tancredi filius, quæ possidebat Ecclesiæ bona reddidit, eaq; Alexander, Alphano Archiepiscopo adiudicauit. Quæ et quanta fuerint, legenda sunt Priuilegia Gisulfi, Roberti, Rogerij, & successorum Principum, & Regum, in Archiuio Archiepiscopalis mensæ asseruata. Et vtinam eorum saltem medietatem Ecclesiâ ipsa hodie possideret. Quo præside, Robertus Dux Apuliæ, rebus in Sicilia prosperè gestis elatus, exercitum Salernum adduxit, idq; Riccardo fratre Capuæ Principe auxilio aduocato, acriter oppugnare incepit. Quia re cognita, Gregorius Septimus Desiderium Abbatem Cassinatem ad rem inter Gisulfum Salerni Principem, & Robertum comparandam misit; quæ intempestiua Gisulfi pertinacia, conuenire non potuit. Quia re comperta, Robertus cum maxima militum manu ad inuros successit, parteq; eorum uim machinarum disiecta, aditum sibi in urbem trahiuit, atq; idibus Decembris, frustra repugnante Principe, in ditionem adduxit. Et concessio Comitatu Corniti Pandolfo, et Comitatu Caput Aquensi Guaymario, suo ære ædificandum curauit miræ pulchritudinis ac magnitudinis templū, supradicto beatissimo Apostolo & Euangelistæ Mattheo, anno 1076. Anno vero 1080. Post Aduentum Michaelis, Constantini Imperatoris filij, in ciuitatem Salerni ad Robertum Guiscardum inuisendum, Gregorius prædictus Robertum ipsum absoluit, & Alphano gratulatus est, quod ossa Matthei Apostoli, quæ ignorabantur, inuenisset, & in nouum templū recondidisset; monuitq; vt hortaretur Robertum Ducem, & coniugem ad ea sum-

ea summa reuerentia amplectenda; vt ex Bulla data Romæ,  
14. Kal. Octobris, Anno sui Pontificatus septimo. Quem  
ex Vrbe eduxit Robertus, & Cassinum ad Abbatem Deside-  
rium primum, deinde Cassino Salernum perduxit. In quo,  
mense Maio viij. Kal. Iunias, expirauit. Cardinales verò &  
Episcopi inibi existentes, elegerunt in Pontificem Deside-  
rium Abbatem Cassini, qui confirmatus anno sequenti, vo-  
catus est Victor tertius. Qui moriens anno 1088. Terracinæ  
electus est in Summum Pontificem, Urbanus secundus. Quo  
etiam tempore fuit ædificatum monasterium Sancti Ni-  
colai subtus aquam; quod dicitur dela palma, à B. Leone se-  
cundo; sacri monasterij Cauensis Abbate, & Lucio Viceco-  
mite. Quam ciuitatem claritas Apostolicę memorię prædi-  
cti Gregorij Papæ septimi, tam exilio, quàm tumulto illustra-  
uit, supradicti Guiscardi opera. Qui quidem Gregorius dum  
Salerni degebat, elegit sibi ad Altaris ministerium viginti  
quatuor Canonicos, quos & Præbiteros Cardinales nun-  
cupauit, quatuorq; Diaconos, quos similiter Diaconos Car-  
dinales vocauit, vt ex nostrorum traditione accepimus. Qui-  
bus per successores Pontifices fuit in posterum concessa fa-  
cultas gestandi Mitras sericas, quas vocant de damasco; vt  
in Bulla confirmationis Lucij tertij anno 1183. In qua hæc  
formalia verba leguntur. Addimus præterea, vt sacerdotes,  
Primicerij, & Diaconi Ecclesię Salernitanę Mitras secundū  
veterem ipsius Ecclesię consuetudinem, & iuxta quod eis à  
prædecessoribus nostris Romanis Pontificibus est indultum,  
audeant statutis terminis deportare, asseruatę in communi  
Archiepiscopalis. & capitularis mensę Archiuio. Talibus  
portò nominibus & mitris vsq; ad hodiernam diem prædicti  
domini de Capitulo in sua Ecclesia Metropolitana, simul cū  
dominis Archidiacono, Cantore, & Primicerio dignitatibus  
in diuinis celebrandis vtuntur. Cuius Gregorij corpus, post  
quin-

quingentos circiter annos, sacris amictum vestimentis, ac ferè integrum in Ecclesia prædicta marmoreo in tumulo reconditum, opera amplissimi Archiepiscopi Marsilij vidimus, ac manibus contrectauimus, anno 1578. obierat anno 1086. Sed ad Alphanum redeunt, dicimus illum ornasse tres partes Aplidis, vulgò tribunæ, Ecclesiæ prædictæ, opere elegantissimo, Musæo dicto, ac Homiliam in Euangelium, quod legitur in Festo B. Matthæi, eleganter composuisse: obiisse autem post vigesimum nonum annum sui præfulatus. Dux verò Robertus, post multos triûphos, & partas victorias mortuus est in Casopoli insula in Græcia, ætatis anno Lxxij. Anno Christi 1079. Corpus eius asportatum fuit in Venusiam urbem Apuliæ, & in Maiori Ecclesia in tumulo honorificentissimo reconditum, fuit ei à Normandis impositum cognomen, Guiscardo, quod apud nos sonat, callidus, & ingenuus homo. Leo vero secundus Abbas sacri monasterij Cauensis, vt prædiximus, fuit discipulus Beati Alpherij Salernitani, qui cum triginta annos sanctè dictum Cœnobium rexisset, obdormiuit in Domino, & propè Alpherij sepulchrum, miraculis coruscans requiescit. Cui successit Petrus tertius Abbas, ex carne nepos B. Alpherij, genere Salernitanus, qui prius à Gisulfo Principe, Clero & populo in Policastrensi Ecclesia in Episcopum electus, exterioris vitæ strepitum nō ferens, ad monasticam vitam rediit. Mirandum verò ædificium, quod ad præsens cernitur, dicti sacri Cœnobij, ipse construendum curauit, & vix annum integrum illud rexerat, cum, consummato huius laboriosæ vitæ cursu, ad gaudia æterna migravit: successit ei, & alter Beatus, Constabilis dictus, quartus Abbas, qui viuens & moriens, vt sui prædecessores, miraculis innumeris orbem illustrauit. Sepultus cum supradictis patribus ibidem requiescit. Hæc latius in tabulis prædicti sacri monasterij, reperies, ingeniose lector, nos verò breuitati studen-

tes, quæ legisti, excerptimus.

Anno Christi. 1086.

**A**LPHANVS secundus, decimus Archiepiscopus Salernitanus, præfuit anno 1086. ex Bulla Paschalis secundi, anno vero 1093. Urbanus secundus Salernum progressus, querente Alphano prædicto, Robertum bona suæ sibi Ecclesiæ vindicasse, Rogerium filium, se Longobardorum exemplo tuerentem, se restituere, iussit. Huic scripsit Urbanus prædictus anno 1099. dicens, quod Salerni ciuitas sibi nonnumquam requies fuisset, ac portus; fecitq; eum cum successoribus primatem, super Compsanâ & Acherontinam Ecclesias, earumq; suffraganeos, vt ex Bulla data Salerni xiiij. Kal. Augusti indictione vj. Vixitq; in Archiepiscopatu annos triginta septem, & ab hac vita migravit, Anno Christi 1122. Rogerio Rege. Anno vero 1092. nonis Septembris Indictione xv. Urbanus prædictus dedicauit Ecclesiam sanctissimæ Trinitatis sacri monasterij Cauensis.

Anno Christi. 1123.

**R**OMOALDVS primus Guarna patricius Salernitanus, undecimus Archiepiscopus, fecit pavimentum vermiculatum, ex porphyreticis, varijsq; nobilibus lapidibus, admirandum, in titulo supradictæ Ecclesiæ; vt ex inscriptione nominis eius ante altare maius, literis porphyreticis conscripto, est videre. Præfuit anno 1123. obiit verò anno 1137. cum vixisset annos quatuordecim Præsul, vigesimo primo Ianuarij in die festo Sanctæ Agnetis ex eius nobilissimo marmoreo tumulo in Ecclesia maiori.

omni

E Anno

Anno Christi. 1137.

**G**UGLIELMVS de Rauenna electus Archiepiscopus Capuæ, suasu Rogerij Regis, creatus est duodecimus Salernitanus Archiepiscopus: claris parentibus ortus, Pastor vigilantissimus, & qui ardenti tenebatur desiderio honoris Dei, ouiumq; salutis. Præfuit Anno Christi 1137. ornauit altare maius, ac denuo erexit, ornauitq; similiter, vti ornatum pauimentum erat. Id quod in tergo Altaris insculpti versus, ostendunt. Nec non totum titulum Ecclesiæ, in qua Campanile maxime magnitudinis, & altitudinis ædificandū curauit, Rogerio Rege. Duo etiam candelabra ænea spectandæ magnitudinis, ante altare maius prædictum superioris Basilicæ, ex utroq; latere statuit. Rogerius verò fuit ab Anacleto secundo Antipapa coronatus Beneuenti, & primus extitit, qui Regis nomen vtri usq; Siciliæ, citrà, & vltra Pharam obtineret, anno 1131. xxv. mensis Iulij. Anno verò 1144. fuit à Lucio secundo Pontifice Maximo, in utroq; Regno legitime confirmatus. Mortuus est ætatis anno 59. Anno Domini 1149. sepultusq; Panormi in maiori Ecclesia: vsus est in priuilegijs, publicisq; scripturis hoc titulo. Rogerius Dei gratia Siciliæ Rex, Christianorum adiutor, & Clypeus, Rogerij primi Comitis hæres, & filius. In sigillo, quo utebatur, hæc verba leguntur. Exaltauit me Deus in virtute brachij sui. In ense eius, hoc erat carmen insculptum: Appulus, & Calaber, Siculus mihi seruit, & Afer. Gulielmus optimus Pastor, ex militantium laboribus fuit à Domino, vocatus ad triumphantium gloriam, anno 1151. Indictione xv.



Anno Christi. 1153.

**N**ICOLAVS primus de Ayello patritius Salernitanus, fr. Dñi Riccardi Illustris Comitis de Ayello tertiusdecimus Archiepiscopus Salernitanus, præfuit anno 1153. Quo Præsule Comes Riccardus prædictus, donavit. Capitulo Salernitano macella, & macellariorum rationes, vulgò dictas, lo scannagio, vt ex instrumento donationis, quod in Salernitanæ Ecclesiæ Archiuio asseruatur, clarè perspicitur: sub Gulielmo Rege, cui cognomē Malo, & Principe Salerni pessimæ, dirēq; naturæ, qui mortuus ætatis anno 47. Anno Christi 1167. Sepultus est cum patribus suis, Panormi.

Anno Christi. 1166.

**R**OMOALDVS secundus Guarina, patritius Salernitanus, & quartus decimus Archiepiscopus, præfuit anno 1166. Anno verò sui Archiepiscopatus secundo, quod fuit Anno Domini 1167. Mense Augusto, xv. Indictione, Gulielmus Rex Siciliæ, Ducatus Apuliæ, & Principatus Capuæ, vnā eū Regina Margarita matre donauit Ecclesiæ Salernitanæ, ad petitionē prædicti Romoaldi, castrū, & homines Montis Corbini, in perpetuum possidendum; vt ex priuilegio Bulla aurea munito. Is Romoaldus in maximo fuit honore apud Alexandrum tertium, Federicū Imperatorem, Regemq; Gulielmū prædictū, cognomento Bonum. Ac demum apud omnes: Inter ceteros Regis Consiliarios fuit Romoaldus electus, factusq; tutor vtriusq; Regni Siciliæ, cum supradictus Rex ætatis anno xj. successisset in Regnis. Nec non in

congressione quadam Venetijs inter ipsum Pontificem Maximū, & Imperatorem, in qua de inducijs agebatur inter ipsos & Regem Gulielmum, & Lombardos, Romoaldus ipse, qui aderat Regis Gulielmi legatus, obtinuit locū in sinistra Pontificis, supra Diaconos Cardinales, vt ex eiusdem chronicis, ipsemet de se ipso testimonium perhibet. Immo Alexander ipse, ei & successoribus Archiepiscopis, portandæ Crucis ante se per Ciuitatem, & Parochiam, facultatem concessit. Pauimentum egregiè, & perelegantè uermiculatum, ex porphyreticis, varijsq; lapidibus struit in Choro dictæ Ecclesiæ. Nec non quadrilaterum lectorinum, iisdem ex lapidibus construxit, quatuor columnis præciosissimis, porphyreticis mixtis suffulcum. Limina verò Chori portæ eodem ex opere facta conspiciuntur ab Illustri viro, ciue Salernitano, Matthæo Vicecancellario prædicti Regis Gulielmi, anno 1180. Id quod ibidem adscripta verba commonstrant. Romoaldus, vt eò reuertamur, vnde discessimus, Characteribus Longobardis ab ipsis Mundi primordijs, ad sua vsq; tempora, diligenter Chronica perscripsit: Multorum item sanctorum uitas conscripsit, ac Breuiarium in ordinem, secundum vsum Ecclesiæ Salernitanæ, rededit; cuius (vt fertur) ipsemet fuit Auctor. Quo quidè officio, vsi sunt Canonici, & Capitulum Ecclesiæ prædictæ vsq; ad annum 1587. Quo tempore Archiepiscopus Marsilius, ad ipsius Capituli postulationem, per speciale diploma (vulgò Breue) à Sixto Quinto Pontifice Maximo impetrauit, vt in Salernitana Ecclesia celebraretur Officiū ad communem Ecclesiæ Romane morem; suo tamen Marsilij & successorum arbitratu, veteres eiusdem Ecclesiæ Ceremonias ritusq; nec non singularia aliquot sanctorum, quorum ibi corpora conuiescunt, officia reseruare ipsi liceret. Quæ diligētissimè enenclata, typis danda curauit Dominus Archiepiscopus Bologninus vigilantissimus Pastor, anno 1594. nobis

assiten-



assistentibus. Alexander verò prædictus scripsit Romo- Aly. 9  
 aldo Archiepiscopo plures decretales Epistolas: inter quas  
 sunt Cap. At si clerici de Iudicijs. Cap. de cætero, & Cap.  
 in causis Ecclesiasticis de testibus, & attestat. Cap. de quar-  
 ta decimæ, de præscriptionibus. Cap. clericos, de cohabit.  
 cleric. & mulier. Cap. ad hæc licet, de Præbendis, & dignit.  
 Cap. verum, de conuersat. coniugat. Cap. licet, de sponsa  
 duorum: Cap. primum de cognatione spirit. Cap. cū tu ma-  
 nifestos de vsuris, vt in libro Decretalium & Cap. primū de  
 corpore vitatis. Nec non Innocentius tertius per Aposto- Innoc. 3.  
 licū Breue præscripsit ei formulam compositionis, super  
 electionibus celebrandis in Regno Sicilia, inter illius Regni  
 Reges, & sanctam Sedem Apostolicam. Anno verò 1194. Ro-  
 gerius, Tancredi filius, postquam Irenem, Isaacij Imperato-  
 ris filiam duxerat, vita migravit. Cuius rei dolorem Tan-  
 credus adeò acerbè tulit, vt non post multis diebus: & ipse vi-  
 uendi finem fecit, Gulielmo puero relicto, quem mox Sibil-  
 lia mater Regem Sicilia Panormi coronandum curauit, & timēs  
 Henrici aduentum, vnā cum Gulielmo filio, & filiabus atq;  
 Romoaldo Archiepiscopo, & fratribus eius, sese in Castellū  
 benè munitum, recepit; & missis legatis ad Henricum se Re-  
 gno cessuram, si Gulielmum filium Principem Tarenti relin-  
 queret. Quod cū promississet, sequenti anno, Sibiliam cū  
 filio & filiabus, et Archiepiscopo, ac fratribus, iij. Kal. Ianuarij  
 comprehendit. Sibiliam & Archiepiscopum perpetuo car-  
 ceri destinauit: Gulielmo virilitatem ad spem stirpis adimen-  
 dam, exemit; & cum eis in Germaniam, se contulit. Pro  
 quorum liberatione, & iurium, bonarumq; Ecclesiæ Salerni-  
 tanæ conseruatione, Innocentius tertius, anno 1198. scrip-  
 sit sequentes literas Germaniæ Episcopis, & procuratori-  
 bus Ecclesiæ prædictæ, & sunt sequentes.

## INNOCENTIVS TERTIVS

Spiren. Argentin. &amp; Vuarmarien. Episcopis

pro deliberatione Salernitani

Archiepiscopi.

Inno. Ep. 3.  
l. 1. c. 24

**Q**UANTAE præsumptionis & temeritatis existat, in rectores Ecclesiæ manus iniicere violentas, in Euangelio Dominus protestatur, qui se in ministris suis affligi asseruit, & in Apostolorum Principe alibi se prohibuit iterum crucifigi. Hoc etiã poenæ qualitas manifeste declarat, cum excommunicationis sententiã in ipso actu feriat delinquentes, si nõ solum in fratres, & Coepiscopos nostros, sed etiam in minoris ordinis clericos violentiam præsumperint operari. Ne autem solos violentiæ huius actores aliquorum præsumptio crederet esse punitos, facientes & consentientes pari pœna plectendos canonica censura condemnat, eos etiam delinquentibus fauere interpretans: qui, cum possint, manifesto facinori, desinunt obuiare. Quod bonæ memoriæ G. Papa prædecessor noster hætenus diligenter attendens auctores, & fautores captionis, & detentionis venerabilis fratris nostri Salernitani Archiepiscopi excommunicationis nunciasset vinculo innodatos, nisi per Imperiales Nuncios sæpe fuisset ei, ac firmiter repromissum, quod idem Archiepiscopus, sine dilatione qualibet, libertati pristinae redderetur. Ne autem detentio eius nobis de certo imputeretur, si circa liberationem eius inuenti fuerimus negligentes, fraternitati vestræ per Apostolica scripta mandamus, & districtè præcipimus, quatenus nobilem virũ Vuciel. de Berc. ex parte nostra diligentius moneatis, vt eundem Archiepiscopum à detentionis suæ carcere absolutum ad nos cum ho-

non remittat, nobilitatem eius gratiarum actionibus prosequentes, quod circa eum spiritum compassionis exhibuit, & quantum licuit solatium ei humanitatis impendit. Quod si (quod non credimus) ad monitionem vestram, & venerabilis fratris nostri Sutrini Episcopi, & dilecti filij Abbatis Sancti Anastasij, quos ad hoc specialiter destinauimus, eum dimittere fortè noluerit, excommunicatum ipsum publicè nunciatis; & si qua forsan ab aliquibus Ecclesijs beneficia possideret, ea ipsi per Censuram Ecclesiasticam auferri mandantes, totam terram eius immo totam diocesim, in qua idem Archiepiscopus detinetur, vel ad quam translatus fuerit, detinendus, supponatis sententiæ interdicti. Nos enim dilectis filijs Capitulo Maguntin. dedimus in mandatis, vt sententiam vestram faciãt inuiolabiliter obseruari; volumus autem nihilominus, & mandamus, vt vniuersis Alemaniarum principibus in remissionem suorum criminum iniungatis, vt sollicitudinis sue studium efficaciter interponant, quod eis mediantibus Archiepiscopus ipse liberè ad nos quãtocius reuerratur, significãtes eis, quod si id (quod absit) impletum non fuerit, in totam Alemaniã interdicti cogemus sententiam promulgare. Quod si omnes presentibus exequendis interesse non poteritis, ea vnus vestrum nihilominus

exequatur, Datum Laterano

xij. Kal. Martij 1198.

Pontificatus no-

stri anno Pri-

mo.

## INNOCENTIVS TERTIVS

*lib. 1. epist. 25*  
*Sutrinen. Episcopo, & Abbati Sancti Ana-*  
*stasij pro reconciliatione Philippi Ducis*  
*Sueviae et deliberatione Archie-*  
*piscopi Salernitani.*

**C**VM, ei simus, diuina prouidentia, in Ecclesiæ Ro-  
 manæ regimine substituti, quia Domino, vt delin-  
 quentibus non solum septies, sed & septuagies se-  
 pties indulgeret, audiuit, & maius gaudium esse nouimus  
 Angelis Dei super conuersione peccatoris vnus, quàm supra  
 nonaginta nouem iustos, qui non indigent poenitentia, Euā-  
 gelio protestante, eos qui à se anathematis iugum excutere  
 cupiunt, ut ad Ecclesiasticam redeant vnitatem ex pastoralis  
 officij, ad quod vocati sumus, debito, recipere benigne te-  
 nemur, & receptos misericordiæ gremio consouere. Intel-  
 leximus siquidem tam per te, frater Episcope, quàm per alios,  
 quorum relationibus fidem non modicam adhibemus, quòd  
 nobilis vir Philippus Dux Sueuiæ, qui propter inuasionem, ac  
 detentionem patrimonij B. Petri, & nostri, Excommunicationis  
 fuerat vinculo innodatus, Ecclesiæ reconciliari desiderat,  
 & restitui ad Ecclesiastica sacramenta, ac super his pro qui-  
 bus notatus fuerat, satisfactionem omnimodam exhibere.  
 Licet autem superioris sententiam minor relaxare nō possit,  
 & propter hoc Dux ipse, ad sedem esset Apostolicam, desti-  
 nandus, vt ab ea quæ ipsum vinculis excommunicationis in-  
 uoluit, absolutionis beneficium obtineret, sperantes tamen  
 quod per ipsius studiū venerabilis frater noster Salernitanus  
 Archiepiscopus de longeuæ detentionis ergastulo liberetur,  
 laborē itineris, ipsi sub ea conditione duximus remittendū,

si nostram super hoc, sicut bonæ memoriæ G. PP. prædecessori nostro pro te frater Episcopo obtulit, impleuerit voluntatem. Ideoq; discretionis vestræ per Apostolica scripta mandamus, quatenus eodem Archiepiscopo libertati pristinae restituto, & recepto à Duce iuxta formam Ecclesię iuramento, quod supra omnibus, pro quibus ab Ecclesia fuit communionē amotis mandatis Apostolicis, omni dolo & excusatione postpositis, debeat obedire, munus absolutionis ipsi auctoritate freti Apostolica, impendatis. Quod si forsan eundem Archiepiscopum vel non potuerit, vel noluerit absolvere, vel ēt fortē distulerit, ad Ecclesiā Romanā accedat, à nobis iuxta Ecclesię consuetudinem absolvendus. Datum vt supra.

Abbati Lucę, Magistro Gerardo, G. Archipræsbyt. Sacti Seuerini, pcuratoribus Ecclesię Salernitanę. Abbati Barch. Caputaquen. Ecclesię Precentori, vt quicquid in Ecclesia vel Dioecesi Salernitana Archiepiscopo Romoaldo: in vinculis detento in concessionibus præbendarum, officiorū, Ecclesiarum, attentatum est per potentiam laicalem, cassetur.

Incumbit nobis ex officii debito pastoralis, vt quæ in Ecclesiasticę libertatis præiudicium attentantur, infringere debeamus, & in statum debitum reuocare. Eapropter Venerabilis fratris nostri Romoaldi Salernitani Archiepiscopi cōsulescentes honori, quicquid in Ecclesia, vel Dioecesi Salernitana in concessionibus præbendarum, beneficiorum, Ecclesiarum, & alijs Ecclesiasticis per Ioannem Principem, & Magistrum Gerardum, Qui memorato Archiepiscopo detento in vinculis, locum eius inuadere per laicalem potentiam attentarunt, occasione intrusionis factum est vel statutum, præsentium auctoritate cassamus, & cārere decernimus robore firmitatis. Datum Lateran.

Cumq; Romoaldus prædictus legitimē certasset, nec solum verbo, sed exemplo vitæ, traditum sibi à Domino gregē

docuisset, ad cœlum tandem victor, vt corona decoraretur, euolauit, anno 1198. cum vixisset annos xxxij. Circa quę tempora Ciuitas sancta Hyerusalem, quam ab infidelibus ereptam per annos xc. Christiani tenuerant, iterum grauissimo Christiani orbis detrimento; ne dicam, dedecore, in infidelium manus deuenit.

Normannorum verò, Italogumq; ac aliarum nationũ Regum ac Principum, qui Salernitanę ciuitatis per temporum curricula sunt moderati habenas, ac quare Regum primogeniti potius Salerni Principes quàm alio titulo vocari voluerint, necnon totius Urbis prædictę descriptionem Illustri ac nobilissimo viro Augustino Guarna patritio Salernitano ex sanguine prædictorum de Guarna præsulum, iure optimo omittimus, cum ad suorum conciuuium splendorem, & ornamentum, ita accuratè & exactè omnia descripsit, vt nequid nimis: & vtinam non diutius laterent, ac in medium aliquādo prodirent. Quare ne mireris lector candide, si in cæteris pontificibus describendis, Regum, & Principum nomina subtrahuntur.

Anno Christi. 1199.

**N**ICOLAUS secundus Piscicellus Neapolitanus, Abbas Sancti Leonardi de Strata, & decimus quintus Archiepiscopus Salernitanus; præfuit per plures annos; Archiepiscopale Palatium amplificauit. Huic scripsit Honorius tertius decretalem Epistolam, seu Caput primum ex litteris de officio Iudicis, in Decretalium libro. circa verò annum 1225. ab hac luce discessit, sepultusq; est ante portam æneam Ecclesię Salernitanę.

Anno



Anno Christi. 1226.

**C**AESARIUS de Alagno patritius Amalphitanus, sextus decimus Archiepiscopus Salernitanus; permultos Salerni cum haberet consanguineos, cumq; Salernitana ei Ciuitas etiam, atq; etiam placeret, vitam ibi potius degerebat. Vacauit eo tempore vna canonici sedes in maiore Ecclesia, ad quam licet aspirasset, voti tamen compos fieri non potuit, obstantibus Canonici eiusdem Ecclesie, quod Salernitanus Ciues non esset. Quo circa Salerni diutius manere noluit: Romam sese contulit, & ibidem, cum in vtroq; iure cum primis excelleret, Auditor Rotæ creatus fuit. Aliquot post annis Archiepiscopali Sede Salerni vacante, id, quod Deo placuit, ad illam de voluntate Summi Pontificis Honorij Tertij delectus est; cumq; tali honore insignitus, primum ipsam Salerni urbem iniret, præcedentibus iuxta veterem ritum, Canonici, sic eos, qui sibi obstitant, quominus Canoniarum obtineret, est affatus, Quem nolistis in fratrem, habetis in Pastorem. Præfuit anno 1226. & Primicerij dignitate Salernitanam Ecclesiam auxit. Ipso Præfule, ad instantiam Ioannis de Procida Salernitani Ciuis, præclaræ memoriæ, fuit Salernitanæ Ciuitati concessum à Rege Manfredo Nundinarum Priuilegium, in mense Septembris, per octo dies, in honorem B. Apostoli Matthæi: quo illius festus dies maiore hominū frequentia celebraretur, cuius et interuēru, uti familiaris, & Regis prædicti Cōsiliarij, qui et meruit vocari gēma Salerni, factus est portus in mari Ciuitatis prædictæ, muniebat suas bullas plūbo cū effigie B. Matthæi ex vna parte, ex altera verò nomen ipsius Cæsarij aderat, vt ad præsens cōspicitur, in ea præsertim Bulla in qua agitur de his,



quæ obseruari debent à Domino Archiepiscopo, & Reuerendo Capitulo Salernitano. Sanctorum Confessorum Quingefij, Cirini, & aliorum insuper Confessorum Corpora simul collegit, & in altari sub eodem vocabulo, in inferiore ipsius Ecclesiæ Basilica recondidit, quod & superius attigimus. Supra portam, quæ dicitur leonum, ipsius Ecclesiæ, varijs preciosis lapillis, eius imago inspicitur, contexta. Obdormiuit in Domino Amalphig, anno 1262. cum trigintaseptem annos Ecclesiam suam optimè rexisset, ibiq; in Amalphitana Ecclesiâ iuxta æneam portam sepultus est.

Anno Christi. 1263.

**M**ATTHÆVS de Porta patritius Salernitanus, septimus decimus Archiepiscopus. Præfuit anno 1263. Originem duxit ab Illustribus viris Gayferio & Alberto Comitibus genere Longobardis, consanguineis quarto huius nominis Gisulfo Salernitanorum Principi, vt ex Donationis Priuilegio dicti Gisulfi Principis, supradictis Gayferio & Alberto Comitibus circa annum 1068. de Ecclesia Sancti Marci, quæ hodie dicitur della Porta, propè sedile Portæ Rotensis, cum suis stabilibus & grangijs, clarè conspicitur. Ex quibus successiue nati sunt Petrus, Sergius, Euphranon, Matthæus, alter Euphranon, qui in Sicilia Insula loca Imperatoris Friderici circa annum 1199. Præfulationem gessit. Ex quo Thomas Miles Iuris ciuilibis professor Caroli secundi Consiliarius & familiaris circa annum 1285. ortum duxit; hinc Matthæus alter de Porta de Salerno V. I. D. Regis Roberti Consiliarius & familiaris in anno 1305. similiter natus est. Qui in anno 1335. curauit Priuilegium Gisulfi Principis prædicti ad perpetuam rei memoriam exemplari, manu Landulfi de Mi-

de Miranda eiusdem Ciuitatis notarij, præsentibus Iudice & quampluribus nobilibus pro testibus. Quæ Ecclesia Sancti Marci, veluti Iuspatronatus dictorum Illustrium DD. de Porta, fuit in anno 1594. ab Illustri Dño Abb. Paulo de Porta I. V. D. de eadem nobilissima familia donata & concessa, medio assensu Domini Archiepiscopi Salernitani Illustri Domino Francisco Antonio de Porta suo consanguineo & suis primogenitis prout in instrumento donationis huiusmodi, in anno præfato manu magnifici Francisci Faracchæ de Salerno licet videre. Matthæus verò Archiepiscopus Pontificijs demum laboribus perfunctus, hominibus quidem desiderabilis, cœlestibus verò amabilis, ad æternā beatitudinem perfruendam euolauit, anno 1273. Indictione secunda in die Natalis Domini. Ex eius sepulchro in Salernitana Ecclesia.

---

Anno Christi. 1273.

**P**HILIPPVS Minutulus patritius Neapolitanus, præfuit Anno Domini 1273. octauus decimus Archiepiscopus Salernitanus. Mitram plurimis onustam gemmis, margaritis, e preciosis lapillis, auro, argentoq; contextam Ecclesiæ reliquit. Necnon argentea theca ponderis lib. octo, & vnc. decem, Brachium dextrum Apostoli Matthæi suo sumptu recondendum curauit. Huic Præsuli Carolus Siciliæ Rex anno 1295. Priuilegium exhibuit, quo ratas habet, & confirmat quasdam Caroli primogeniti sui literas, eas ad verbū inserendo per quas ipse Carolus primogenitus narrat, Philip-pum Archiepiscopum, Regiæ Curiaë Castrum Olibani, per durante bello custodiendum, eiusdem Curiaë sumptibus, tradidisse, ideoq; præfecto Custodiaë mandat, dum Castrum custodit

stodit, Archiepiscopum super iuribus tam subditorum, quàm terrarum Olibani, ac Montis Corbini, vt molestari ne sinat, & permittat illud, integris rebus omnibus, restituere. Alio insuper Priuilegio Romæ anno 1295. edito Carolus secundus Rex indemnitate custodiæ castrorum Olibani, et Montis Corbini, dùm bella geruntur, promittit, atq; illud Salernitanæ Ecclesiæ Philippo Archiepiscopo, ac successoribus, restituere. Anno item 1299. Idem Carolus, bellorum tempore, Olibani custodiæ præfecit suum quendam Ducē, apertè declarans ad Salernitanam Ecclesiam pertinere illud, neque suæ intentionis esse, vt Ecclesiæ iuribus officiat, sibiq; ipsi actionem ullam vendicet. Defunctus est autem Philippus religiosus Antistes anno 1303. sepultusq; maiori in Ecclesia Neapolitana, vbi ad eius tumulum, legitur huiusmodi Epitaphium.

Iacet in hac tumba Dominus Minutulus Vrsus,  
Pontificalis apex, quem præfert linea rursus  
Virtutum vitis, Philippi vera propago,  
Pontificum gemma, vitæ probitatis imago,  
Parthenope natum, Salernum Pontificatum,  
Flentq; tale datum, moritur super omnia gratum,  
Parthenopeq; tibi Salernum Præsulis huius,  
Commendat corpus, animam, Deus, accipe cuius.

---

Anno Christi. 1303.

**G**VLIELMVS secundus, cognomento, Magister, natione Gallus ex prouincia, Cancellarius Ducis Calabriae, primogeniti Caroli secundi Regis: nonus decimus Archiepiscopus Salernitanus, præfuit nostræ salutis anno 1303. Hic apud Regem meritis est, vt octo dierum Nundinæ, ad decem

cem prorogarentur dies. Ex priuilegio in Archiuio Salernitanę Ecclesię concripto illius electionis anno primo. Ex hac vita migravit anno 1306. Quo præfide Rogerius de Dopno Musco Patritius Salernitanus fuit electus Archiepiscopus Montis Regalis.

---

Anno Christi. 1806.

**B**ERARDVS primus, Vigessimus Archiepiscopus Salernitanus, præfuit ab anno 1306. vsq; ad annum 1309. In quo nature debitum persoluit.

---

Anno Christi. 1310.

**I**SAVRVS Episcopus Lunensis, vigessimus primus Archiepiscopus Salernitanus, dum ad Salernitanam ipsam Ecclesiam regendam fuisset electus anno 1310. antequam Salernum perueniret, Romę obiit, electionis suę anno primo.

---

Anno Christi. 1310.

**R**OBERTVS olim Archidiaconus de Sabolio in Ceno-  
manensi Ecclesia, Capellanus & Thesaurarius Clemē-  
tis Quinti, vigessimus secundus Salernitanus Archiepiscopus  
fuit electus à dicto Clemente, cum Capitulum & Canonici  
Salernitani, penes quos, potestas Archiepiscopi eligendi ad  
illud vsq; tempus fuerat, inter se vehementer dissiderent; Alij  
namq; Franciscum Caratium Parisiensem; Alij verò Ioannē  
ex nobilissima familia de Rogerijs de Salerno, ambos Cano-  
nicos Salernitanos in Archiepiscopum eligere uolebāt, quos  
& in discordia elegerunt. Qui inter se contententes, apud  
sedem

sedem Apostolicam, cùm suis iuribus caderent, Summus Pontifex Clemens prædictus, Robertum Capellanum, vt diximus, suum, Archiepiscopum Salernitanæ Ecclesiæ præfecit. Anno Christi 1310. Ac deinceps, Archiepiscopi Salernitani electio semper sanctæ Sedi Apostolicæ fuit reseruata. Vt ex Bulla supradicti Clementis ad suffraganeos Ecclesiæ Salernitanæ, in cuius Archiuio asseruatur, licet videre. Ex terris abductus est Robertus anno 1317.

---

Anno Christi. 1318.

**O**NVFRIVS vigesimus tertius Archiepiscopus Salernitanus, præfuit Anno Domini 1318. ex eius Bulla.

---

Anno Christi 1319.

**F**RATER BERTRANDVS de Cambolico Vasconus Gallus Ordinis Minorum Conuentualiū Diocesis Caturcensis in sacra Theologia magister, Vigesimus Septimus Archiepiscopus Salernitanus, & à Ioanne XXII. Auenion. anno 1320. fuit collegio Cardinalium coöptatus sub tit. SS. Siluestri, & Martini in Montibus, qui fuit vocatus Cardinalis Tusculanus. Præfuit suæ Ecclesiæ circa annum 1319. Obijt Auenione, ibique sepultus, anno Domini 1326.

---

Anno Christi. 1327.

**V**RSVS vigesimus quartus Archiepiscopus Salernitanus præfuit anno à partu Virginis 1327. Cuius Anniuersariū in Ecclesia Salernitana tercio Decēbris celebrari debet.

BENE-

---

**B**ENEDICTVS secundus ex nobilissima familia de Capua, Vigessimus quintus Archiepiscopus Salernitanus.

---

**R**OGERIVS Sanseuerinius, Vigessimus sextus Archiepiscopus Salernitanus.

---

Anno Christi. 1332.

**F**RATER ARNALDVS vigessimus octauus Archiepiscopus Salernitanus, viuebat anno Domini 1332. ex eius Bulla.

---

Anno Christi. 1335.

**B**ENEDICTVS tertius, vigessimus nonus Archiepiscopus Salernitanus, præfuit anno 1335. ex eius Bulla.

---

Anno Christi. 1350.

**B**ERARDVS secundus, trigessimus Archiepiscopus Salernitanus. Viuebat anno 1350. 24. Augusti Clemente Summo Pontifice.

---

Anno Christi. 1360.

**B**ERTRANDVS trigessimus primus Archiepiscopus Salernitanus floruit sub Innocentio VI. à quo sui Pontificatus

qnaa G catus



catus āno octauo, fuit missus ad Robertum Imperatorē Constantinopol. pro Achaia negotio explicando, qui & Rhodū etiam profectus est ad Magnum Magistrum ord. Hierosolim. Vt ex Bosio in Hist. Hierosolimit.

---

Anno Christi. 1364.

**G**VLIELMVS tertius Sanseuerinius, trigessimus secūdus Archiep. Salernitanus, praefuit Anno Dominicæ Incarnationis 1364. ex eius Bulla, in qua concedit Canonicis & Capitulo Salernitano Capellam Sanctissimæ Trinitatis in Ecclesia maiore. Hic donauit Ecclesiæ Salernitanæ preciosam illam custodiam, seu vas crySTALLINUM de Rocca nuncupatum, auro argentoq; mira arte elaboratum, ponderis librarum decem, in qua defertur vsq; ad hodiernā diem, eximia pompa, Sanctissimum & Augustissimum Eucharistiæ Sacramentum.

---

**I**OANNES d'Acquaiua, nobilissima familia Neapolitana, trigessimus tertius Archiepiscopus Salernitanus.

---

Anno Christi. 1378.

**G**VLIELMVS quartus de Altauilla Neapolitanus, ex familia de Capua, trigessimus quartus Archiepiscopus Salernitanus, fuit ab Urbano Sexto Diaconus Cardinalis creatus, Anno Domini 1378. cum titulo Sanctæ Mariæ in Cosmedin, mox præsbyter Cardinalis tituli Sancti Eusebij, postremò Sancti Cælij in Monte. Mortuus est Romæ anno 1389. anno Urbani prædicti duodecimo.

Anno



---

Anno Christi. 1396.

**F**RATER LIGORIVS de Neapoli Abbas sacri Monasterij Cauensis ordinis S. Benedicti, trigessimus quartus Archiepiscopus Salernitanus. Præfuit Ecclesiæ prædictæ anno 1396 ex eius Bulla, in qua agitur de concordia stipendiorum inter Archiepiscopum & Capitulum Salernitanum.

---

Anno Christi. 1406.

**B**ARTHOLOMEVS de Aprano Neapolitanus, trigessimus sextus Archiepiscopus Salernitanus, præfuit circiter Annum Domini 1406. Hic ære suo Argentea arcula ponderis librarum sex, recondendum curauit Brachium dextrũ B. Virginis & Martyris Agathę. Quo præfule Regina Margarita mater Ladislai Regis donauit Ecclesiæ nostrę Arcas illas tam magnas, mireq; depictas, auro vndequaq; ornatas, quæ in Reliquiario præfatæ Ecclesiæ asseruantur. Cuius Reginae Corpus in Ecclesia fratrum minorum Sancti Francisci Ciuitatis Salerni, admirando marmoreo tumulo requiescit. Bartholomeus verò, cum vixisset annos octo, de præsidio & statione vitæ huius decessit, anno Domini 1414. ix. Septembris & in sua Metropolitana sepultus est.

---

Anno Christi. 1415.

**N**ICOLAVS tertius Piscicellus Neapolitanus, trigessimus septimus Archiepiscopus Salernitanus; præfuit

G 2 vsq;

vsq; ad annum 1422. sub anno quinto Martini quinti ex præclariſſima Columnenſi familia. Huic Archiepiſcopo, Ioanna ſecūda Hungarię & Sicilia Regina, oppidum Montis Corbini cum Caſtris, hominibuſq; conceſſit, conceſſionemq; ratam habuit per priuilegium anno 1417. Neapoli exhibitum. Alio autem priuilegio in Atella (quod oppidum Auerſam vulgus appellat) exhibitio, eadem Regina memorat, Olibani Caſtrum bellorum tempore per Ladislaum Regem pignori datum eſſe, ob acceptas mutuas pecunias, Antonio & Paulo de Fuſco fratribus Baronibus, ea tamen lege, vt dum tale pignus penes ſe haberent, mediam omnium fructuum partē ſupradiſti Caſtri, Salernitanę Eccleſiæ, ad quam Caſtri poſſeſſio ſpectet, exoluerent. Quæ ſolutio ſi fieri deſiſſet, ipſa etiam Regina de huiuſmodi media parte reddituum Archiepiſcopo ſatiſſieri mandat.

Anno Chriſti. 1443.

**B**ARNABAS Vrſinus Romanus, trigēſimus octauus Archiepiſcopus Salernitanus, maiorem ipſam Eccleſiam vndiq; minantem ruinam, ære ſuo reparauit. Quo præſide in anno 1443. Andreas de Palearia patritius Salernitanus, fuit electus Archiepiſcopus Amalphitanus. Felice Vrſino Principe.

Anno Domini. 1455.

**N**ICOLAUS quartus Piſcicellus Neapolitanus, trigēſimus nonus Archiepiſcopus Salernitanus, præfuit anno 1455. ſub Calisto III. Hæc Antiſtiti, ac ſucceſſoribus ſuis duobus

duobus priuilegijs Ferdinandus, & Ioannes Renatus Reges,  
Mönrem Corbinum, Olibanum, Sanctum Victorem cū Ca-  
stris annexis, hominibusq; inhabitantibus anno. 1360. elar-  
giti sunt.

---

Anno Christi. 1471. *Petrus Gulielmus de Rocca Hispanus, Quadra-*

**P**ETRVS GVLIELMVS de Rocca Hispanus, Quadra-  
gesimus Archiepiscopus Salernitanus, Præfuit anno  
1471. Ipso præfule facta fuit Icon in Altare maiori superio-  
ris Basilicę eius sumptu, reparauitq; Apsidis (vulgò tribunæ).  
habentis sinistram latus. Mortuus est Romæ anno 1482.  
18. Octobris, sepultusq; honorifico in tumulo Sanctæ Marię  
de Populo, cum hoc Epitaphio

Petro Gulielmo Rocca Valentino, Salerni.  
Archiepiscopo V. lu. Consultiss. Sixti IV.  
Pont. Max. Referen. Primat. qui obiit  
Anno salutis 1482. Die 18. Octobris.

---

Anno Christi. 1482.

**I**OANNES Aragonius Neapolitanus Regis Ferdinandi  
filius, summę grauitatis Princeps, in Ecclesiasticis cere-  
monijs perdiligens, bonisq; artibus maximè deditus, quadra-  
gesimus primus Archiep. Salernitanus, præfuit anno 1482.  
sub Sixto quarto. Quo præfule factū ē Organū magnitudine,  
pulchritudine, sonoq; præclarum. Multis à pueritia decora-  
tus quidem fuit alijs honoribus; nam & Prothonotarius Apo-  
stolicus, & Tarentinus Archiepiscopus fuit. Administrauit  
etiam Strigonix Ecclesiam ab Apostolica Sede commissam,  
pro-

propter Episcopi absentiam, qui transfugerat ad Fridericum Imperatorem, cum esset parum amicus Regis; Monteni insuper Cassinum cum arcibus, ac redditibus illius Monasterij omnibus. Abbas etiam Sancti Laurentij Atellæ, vulgo Aversa. Legatus de latere Sixti Quarti, in Regnis Hungariæ & finitimis fuit anno 1479. Et S. R. E. Diaconus Cardinalis, primum Sancti Adriani, deinde Præbyter Sanctæ Sabinæ. Mortuus est XVI. Octobris, septima noctis hora, anno 1485. In palatio Diui Laurentij in Lucina, Romæ, & magnifica funeris pompa sepultus, ad Sanctæ Sabinæ, sub apside, iuxta Altare maius in lateritio tumulo, sub cubiculis Honorij PP. Sed nullum nunc ibi extat vestigium, sicut nec ad S. Cæcilie Aedem, ubi aliqui, sepultum, scribunt. Anno 1484. Synodicas constitutiones Salerni ædedit, quas è Latino in vulgarem sermonem transtulit Bartholomeus Capoblanco anno 1525.

---

Anno Christi. 1485.

**O**CTAVIANVS BENTIVOLVS Placentinus oriundus Eugubio, ex nobili Bentiuolorum Eugubina familia, quadragesimus secundus Archiepiscopus Salernitanus, præfuit anno 1485. die duodecimo Augusti, fuit electus ad instantiam Antonelli Sancti Seuerini Principis Salerni, ab Innocentio VIII. fuit prædicti Principis Secretarius, & legatus ad Innocentium pro Baronibus Regni. Qua legatione honorificè, & ex animi sententia perfunctus est. Vixit annos viij. & sepultus anno 1498.

Anno

---

Anno Christi. 1500.

**I**OANNES quartus de Vera Valentinus; quadragesimus tertius Archiepiscopus Salernitanus. Cardinalis ab Alexandro VI. creatus, tit. Sanctæ Balbinæ. Mortuus est anno 1507. Neapoli, sepultusq; in Ecclesia sancti Augustini, in Capella sanctæ Monicę, vbi extat Epitaphium.

---

Anno Christi. 1507.

**F**RIDERICVS Fregosius Genuensis quadragesimus quartus Archiepiscopus Salernitanus, cœpit præesse Ecclesię prædictę año 1507. & pacificè pcepit illius fructus, vsq; ad annum 1525. Quo tempore cum acerrimū bellum inter Carolum V. Imperatorem, & Franciscum primum Gallorū Regem ferueret, isq; ad Galliæ partes defecisset, proditiōis crimine notatus, ab administratione Ecclesiæ, fructuumque perceptione remotus est, cui administrandæ, fructibusq; percipiendis, Imperatore postulante, Sedes Apostolica suffecit Gattinarium prothonotarium Apostolicum, vsq; ad annum 1527. qui sub fine anni prædicti, pestis causa, Saleino discessit, & mortuus est. A quo tempore vsq; ad annum 1530. Regia Camera Summaria collegit supradictos fructus, & Vicarius generalis fuit Episcopus Spinacensis. Hoc etiam tempore Magistratus Regij, pro Regni tutelâ spoliarunt Ecclesiā Salernitanam criminali iurisdictione in terris Montis Corbini & Olibani, quæ vsq; ad illa tempora fuerant sub spirituali & temporalī dominio ipsius Ecclesię, sic etiā Castris yriusq; terræ. Ab anno verò iam dicto vsq; ad 1533. Fridericus Archiepi-

chiepiscopus fuit in integrum restitutus, & sui Archiepiscopus a  
tus fructibus potitus est, suiq; loco constituit pro Vicario Pe-  
trum Episcopum Minoritanum Amalphitanæ Diocesis. Anno  
verò 1539. creatus est Cardinalis à Paulo tertio. Mox autē  
Nicolao Cardinali Rodulfo resignavit Archiepiscopatum,  
cui etiam fuerunt sequestrati fructus Ecclesiæ iam dictæ, &  
sacro Cardinalium S. R. E. Collegio, dati. Friderico Præsi-  
de, fuit erecta prima porta lignea Atrij Ecclesiæ Salernitanæ,  
quæ vocatur Leonum, & secundo sui Archiepiscopatus an-  
no Dioecesanam Synodum congregavit.

Anno Christi. 1334.

**N**ICOLAVS quintus Rodulfus Florentinus quadrage-  
simus quintus Archiepiscopus Salernitanus, S. R. E.  
Cardinalis, Præfuit anno 1534. sub Paulo tertio, & Ca-  
rolo quinto Imperatore vsq; ad annum 1548. Quo tempore  
resignavit Archiepiscopatum Rodulfo Pio Cardinali Carpē-  
si, sub quo ad Salerni vastationem venit Ariadenus Barba-  
rossa turca, insignis pirata, quod accidit anno 1544. Vigesi-  
ma septima Iunij, & fugatus miraculo Apostoli, & Euāge-  
listæ Marthæi, cum sereno coelo, magna repente orta esset  
tempestas, impij voti minimè compos, confRACTA penè classe,  
aufugit. Quam sanè memoriam Ecclesia Salernitana ad hoc  
vsq; tempus, die dicta, pia, & solenni pompa per Ciuitatem  
Deo, ac beato Apostolo gratias agendo, prosequitur. Anno  
verò 1535. eodem etiam Nicolao Præsule, Salernum Caro-  
lus Quintus Imperator venit, ibiq; triduum moratus est Mē-  
se Nouembri.

Anno



Anno Christi. 1548.

**R**ODVLPHVS Pius Cardinalis Carpenfis, Hispaniarum protector, quadragesimus sextus Archiepiscopus Salernitanus, præfuit anno 1548. vsq; ad annum 1549. & Archiepiscopatum Ludouico de Torres resignauit. Cuius Epitaphium legitur, ut infra.

Rodolpho Pio Card. b. Pius V. Pont. Max. fa-  
Carpen. Principi Senat. salutis officii in cu-  
Ampliss. Eccl. Dei Mune<sup>2</sup>, custodia Catholicæ mo-  
ribus, Singulari pru-<sup>1</sup> & veritatis consorti, illi  
dentia perfuncto, Perpetuis de Chri-  
Iuris Ecclesiastici stiana Repub. sensibus  
Defensori. A gratia, studio studijsq; coniunctiss.  
térrore, Voluptatum Hoc amoris? & iudicij  
Illecebris, & aduer-<sup>ba sup.</sup> sui monumentum pō-  
sis casibus æque in<sup>1</sup> fuit An. Sal. M. D. LXVIII.  
uicto, ad beneficen-<sup>1</sup> Pont. sui III. Vix. Annos  
tiam nato, in summa LXIII Men. II. Dies VIII.  
grauitate Obijt An. Sal. LXIII.  
iucundiss. VI. non. Maias.

Anno Christi. 1549.

**L**VDOVICVS Ex nobilissima familia de Torres Malacitanus, Quadragesimus septimus Salernitanus Archiepiscopus, præfuit anno 1549. Reparauit anteriorem partem Atrij Ecclesiæ Salernitanæ, vulgo dictum, lo paradiso. De  
H cessit



cessit in vrbe 13. Augusti, anno 1553. sepultus ad S. Catharinæ de Rosa, postea in patriam translatus, marmoreo monumento in cathedrali conditus est, cum hoc Epitaphio,

Ludouico de Torres Caroli V. Imp. beneficio

Archiepiscopo Salerni, summis Pontificibus

Leoni X. Clem. VII. Paulo III. Iulio. III.

ob spectatam in publicis S. Sedis Apostolicę

muneribus operam egregiè charo, insigni

in Deum pietate, in pauperes misericordia, in

amicos studio. Ludouicus de Torres Archie-

piscopus Montis Regalis, translatis ab Vrbe

Roma in patriam ossibus, & in animum sacellum

illatis, patruo optimo & B. M. P.

Vixit annos LVII. Obiit Anno salutis M. D.

LIII. Die 13. Augusti.

Tota Ciuitas in occursum effusa, ciuem suum magna cū gratulatione, & reuerentia excepit. Eo præsule Campana immensa ferè magnitudinis, quæ ad multa passuum millia sonum emittit, fabricata est; in ipsa enim Campana hæc leguntur insculpta. A fulgure, & tempestate, & morte perpetua libera nos domine. Ludouicus de Torres Archiepiscopus Salernitanus, præfulatus sui anno secundo, per Ioannem Baptistam Cauensem faciendam curauit. die 10. Augusti. Anno Domini 1550. Christus vincit, Christus regnat, Christus imperat, Christus venit in pace, & Deus homo factus est.

---

Anno Christi 1554.

**H**IERONYMVS Seripandus Neapolitanus, ordinis Eremitarum Sancti Augustini, sui ordinis Generalis, quadragesimus octauus Archiepiscopus Salernitanus à Pio IV. S. R. E. Cardinalis creatus. Præfuit anno 1554. Ecclesiam

fiam, & Archiepiscopale Palatium, ac Atrium vndique ruinam minans, reparauit. Chorum fecit quadrilaterum ex tabulis nucis, ac Sacristiam, mira prorsus arte compactis ac elaboratis. Paramenta alba & rubra ex serico auroq; contexta, ac non nulla Argentea vasa, ad Altaris ministerium Ecclesię donauit. Eodemq; anno Dioecesanam habuit synodum. Vitam sanctissimę duxit, fuitq; in omni scientiarum, ac linguarum genere præcellentissimus. Legatione functus est in Tridentino Concilio, vbi anno 1563. & mortuus est, & sepultus, cum annos in suo Archiepiscopatu vixisset nouem.

---

Anno Christi. 1563.

**G**ASPAR Ceruantes de Gaete, Hyspanus, Messanę primum, mox quadragesimus nonus Salerni Archiepiscopus; præfuit anno 1563. sub Pio IV. Dioecesanam synodum anno 1565. 22. Maii celebrauit, & prouinciale primam 1566. ex decreto concilij Tridentini. Et iterum Dioecesanam 1567. Puerorum Seminarium, octo insuper Clericos, vt perpetuò festis diebus dictę Ecclesię Altari maiori inferuirent, instituit. Quibus octo Clericis mille aureos legauit. Locum, ædemq; ad reliquias Diutorum asseruandas, ac Reliquiarium ipsum ligneum, affabrè factum, quod videmus, construxit. Aquam à Riua Faustini, seu, vbi Rephelstina dicitur, extra Urbem, opere subterraneo ad Ecclesiam ac Palatium Archiepiscopale deduxit: Anno verò 1569 aduocatus ab Rege Catholico, vt causę Archiepiscopi Toletani, de hæretica prauitate iam accusati, assisteret, Tarraconensis Archiepiscopus electus est ab ipso Rege, & paulò post à Pio V. anno 1570. in Cardinalium Collegium coopertus sub tit. Sancti Martini in Montibus.

Anno Christi. 1568.

**M**ARCUS ANTONIVS primus Columna, Romanus, Tarentinæ primùm Ciuitatis Archiepiscopus, deinde præbyter Cardinalis tit. SS. Apostolorum, quinquagesimus Antistes Salernitanus, præfuit anno 1568. de mense Nouëbris, sub Pio Quinto; Vir in morali scientia, & in philosophandi studio, disciplinarumq; omnium principe Theologia, perfectissimus: Seminario iam instituto, delegit ex Ciuitate, Diœcesiq; Salernitana vigintiquatuor pueros alendos, & instruendos, anno 1570. Ipsum verò Collegij locum ferè à fundamentis erigendum propè Ecclesiam curauit. Coacto etià Prouincialium Episcoporum Concilio, anno Domini 1572. multa ad suæ Diœcesis, ac Prouinciæ reformationem, animarumq; salutem, sanciuir. In Suggesto verò egregiè vermiculato, à Romoaldo secundo constructo, ad dextram templi partem, paruum quoddam Reliquiarium ex marmore, pulchris itidem lapillis distinctum, ad asseruandas Diuorum reliquias, tertio tantum die Paschatis Resurrectionis Domini, vnde Populo tunc facilius commonstrarentur, ædificauit: Archiepiscopalem crucem argenteam, nec non vasa per multa ex argento Ecclesiæ donauit. Anno autem 1574. resignauit Archiepiscopatum Marco Antonio Columnæ Marsilio Viro Amplissimo eius consobрино, qui à Gregorio Pontifice maximo fuit admissus ad præsentationem Philippi Regis inuictissimi, ad cuius præsentationem est Ecclesia Salernitana à Clemente septimo citrà, ad hæc nostra vsque tempora, Iure Regij Patronatus.

Anno

Anno Christi. 1574.

**M**ARCUS ANTONIVS secundus Columna Marfilius Bononiensis Quinquagesimus primus Archiepiscopus; olim apud Philippum secundum Catholicum & inuictissimum Regem Capellanus, & Consiliarius: deinde Pij Quinti, & Gregorij decimitertij in utrâq; Signatura Referendarius, & Cancellariæ Apostolicæ Corrector, cum quinquennium laudabiliter in vrbe transgisset, de consensu eiusdem Marci Antonij Cardinalis, ad Regis præsentationem ab eodem Gregorio Salernitanæ Ecclesiæ præfectus est, vigesimo quinto Iunii 1574. Vir omni sanè doctrinarum, virtutum, ac linguarum genere, peritiaq; ornatissimus. Doctissimorum hominū opera utebatur semper, præcipuè vero M. Antonij Maffei I. C. pietatē, doctrinā, et vsu rerum verè Illustris. In sui verò muneris functione diligentissimus, ut qui in Archiepiscopalis dignitatis fastigium euectus, post editum insignem illum de Redditibus Ecclesiasticis librum, Gregem sibi à Domino commissum sanctis legibus, optimisq; institutis munire cupiens, & quæ reformationis indigerent, omni cum diligentia reformare, Diocesana synodo coacta, synodicas constitutiones edidit. Nec his præclarissimis ingenij fructibus contentus, in maximis sui muneris occupationibus Beati Matthæi Apostoli, & Euāgelistæ vitam, miracula, ipsius insuper templi, atque Ciuitatis descriptionem, mira cum arte contexuit. Ac nuper deniquè, celeberrimum illud quod Hydragiologiæ titulo prænotatur, opus emisit. Ex quo tanquā ex altero Oceano omnium artium, omniumq; disciplinarum genera copiosius effluunt, & emanant; continetq; præter latini sermonis puritatem, Hæbreorum, Græcorum, exterarumq;

rumq; omnium ferè gentium exquisitam linguarum cognitionem. Philosophorum præterea, Theologorum, antiquorumq; Patrum doctrinam satis mirificè complectitur. Idem de vniuersis excommunicationibus librum, siue opus erat aggressus, quod vtinam, in omnium sacrorum Canonum, ac Theologiæ studiosorum vtilitatem, absoluere potuisset. Ascitus enim Romam à Sixto quinto Sanctissimo Domino nostro, à quo iussus etiam fuit, suam proferre sententiam de Beatissimo Didaco in Diuorum numerum referendo: & præfecturæ Ciuitatis Camerini designatus, ibi cum sui officij partes, per diligentem impleret, multo labore depressus, in grauem febris incidit morbum, ex quo vigesima quarta mēsis Aprilis die, anno videlicet 1589. ætatis verò suæ annum quadragesimum septimum agens, mortuus est. Camerino, Romam Cadauer deportandum Illustrissimi Cardinales Marcus Antonius, & Ascanius Columna curauerunt, & in Ecclesia ss. Apostolorum honorificè sepultum, requiescit. Funus ei cum decenti pompa Camerini, Romæ, Bononiæ, Salerni factum est: fleuit enim Camerinum præidentem, Roma dilectum, Bononia natum, Salernum Pastorem. Salernitanum porrò templum aliqua ex parte reparauit, atque ornauit. Reparationes, ornamentaq; breuitati consulentes, omitimus. Deinceps quæ in illius honorem commendata literis sunt, hic adscribemus, non omnia quidem, sed selecta quædam. Nolumus profectò vt lector admiretur, cur studiosius multò, quàm consueuimus, Matfilij Antistitis vitam laudēsq; prosequamur, etenim inter illius domesticos familiares quondam viximus carissimi: cui igitur viuo obsequium præstitimus, mortuo idipsum negare noluimus.

D O N A T I L A V R E R I I,

In Obiitum Domini M. Antonij Marfilij Archiepiscopi Salernitani.

O R A T I O.

A D D. G A S P A R E M M V S C A M

*Decretorum Doctorem, Canonicum, & Vicarium Generalem Salernitanum,*  
*Sede Vacante.*

CVM alij per multi Marfilium Columnam iurè, ac meritò lugeant, tum vero ipse præcipuo quodam dolore prosequi debeo, & te cum ornatiss. Gaspar, vehementius deplorare. Cæteri quidem, quod nobilissimus vir, atque idem doctissimus ereptus fuerit, qui Christianam Rempubicam non minus doctrina posset, quàm nobilitate plurimum illustrare: ego verò, quod parentem, & eum quidem amantissimum amiserim, cuius benevolentia & humanitate sic ad omnem virtutem promouebam, ut præclaros ex illa fructus mihi viderer aliquando percepturus. Cæteri viri desiderant, qui præstantibus meritis videretur ad amplissimos honoris gradus ascensurus; Ego patronum studiosissimum, cuius & consilijs optimis, & subsidijs maximis consequi possem ea, quæ sunt optimo cuiq; semper expetenda. Cæteri Pastorem requirant, qui summa quadam, & singulari custodia Gregem seruaret incolumem, bonisq; magnis ac pluribus augeret: Ego Auctorem ac Ducem, cuius monitis fidelissimis eruditus, præceptisq; salutaribus quotidie confirmatus, optima, & honestissima quæq; sperare possem.

De-



Deplorabo igitur, & cum cæteris, & vobiscum iacturam, & communem & propriam & eiusmodi ratione, quando alia neq; alii, neque nos possumus, animos in eum pios, memoresq; præstemus. Quod quidem officium, quàm illi iure debeat, ipse ille satis ostendet, ante oculos quasi præsens nobis constitutus. Obiit enim is, qui generis nobilitatem, ita cum virtute coniunxerat, ut vtra magis excelleret, aut nemo iam posset, aut solus ille percipere. Itaque cum illum familiæ splendor admirabilem; virtus verò etiam amabilem redderet vniuersis; extiterat in eo tertium illud eximium, & præclarum, quod animo quidem cernere possumus, oratione consequi certè non possumus. Magna quædam res est, clavis fulgere maioribus, Maior insignibus coruscare virtutibus, Vtroque verò splendescere, singulare demùm est, ac prorsus eximium. Obijt is, qui mentem doctrinis omnibus expolitam penitus, & cumulatam cum gereret; nemini se tamen præferre didicerat, quin etiam cæteros efferre, se ipsum demittere consueuerat ita, ut modestia certare semper ac vincere, sibi duceret, quàm pulcherrimum. Obijt is, qui suos ita mores composuerat, ut nihil vnquam, aut diceret, aut faceret, quod quicumque alius non magnoperè probaret, atq; suspiceret. Obijt is, qui maiores diligentissimè coleret, æquales humanissimè amplecteretur, minores amantissimè subleuaret. Obijt denique is, qui sacras, & diuinas res omnes, tam piè semper obire consueuerat, vt ea vel ipse peragens, vel alios peragentes intuens, egregiam daret significationem animi pietatis. Ergo virum tantum, & Pastorem amissum, quibus tandem studiis requiremus, quibus officijs prosequemur, quibus satis dignis lacrymis honorabimus? Equidem sic existimo ( Gaspar optime ) Duo esse præcipua, quæ præstantibus uiris, cum ex hac vita decesserint, debeamus: quorum alterum humana societas, alterum

Chri-



Christiana fides efflagitat : illa dolorem, hæc gratulationem desiderat. Ac primo quidem satisfacere in obitu tanti, tamq; salutaris Pastoris, qui possimus, ego sanè non video. Quis enim dolor par unquam fuerit iacturæ tantæ, quam fecimus? Non possumus acceptum ex obitu tanti uiri vulnus curare ullis lachrymarum medicaminibus. Amisimus Pastorem uigilantissimum, amisimus parentem (quod ego præcipuè sentio, amisimus(inquam)parentem amantissimum. Quid igitur lachrymarum nos deceat oues, ac filios pastore tanto, ac parente destitutos? Decent quidem nos lachrymæ, vel acerbissimæ; sed nostra tantum causa decent. Quamobrem ne uideamus nos ipsos potius, quàm illum lugere; gratulemur oues, ac filij (quod est alterum nostrum munus) & maximè gratulemur pastori, atq; parenti nimirum in cœlum recepto, quod eius nos tantum causa decet. Nouimus Christianis imbuti præceptis, beatos esse prorsus eos, qui moriuntur in Domino: atq; horum mortem somnum potius, & dici, & esse quàm muerissimè. Affui ego morienti, nihil in illo terroris, nihil tristitiæ, nihil earum perturbationum, quas afferre mors acerbior solet, ad extremum usq; spiritum animaduerti. Itaq; rebus cæteris constitutis prudenter imprimis, ac sanctè familiam uniuersam accersitam, præstanti quadam animi submissione affatus, ut sibi condonarent, postulauit, si quemquam aliquando læsisset. O beatum planè uirum, & in Domino obeuntem. Fuit mors illa, fuit omnino somnus, & is quidè placidissimus. Quare lugeamus licet, sed nostra ipsorū causa lugeamus, non habemus in terris, qui dies ac noctes ouibus vigilet? At habemus in cœlo; qui nos perpetuò summū illum Pastorem conciliet. Destituti sumus iucundissimo Parentis aspectu? At patronum in cœlum transmissimus, qui nostras omnes causas, quàm pulcherrimè transfigat, atq; defendat. Caremus hic Præsule maximo, qui nos augere pos-

fit, & ornare bonis mortalibus. At cœlo reddidimus eum, qui sempiterna nobis munera curet, atq; conficiat multò melius, multoq; præstantius. Hęc igitur solatia repetentes animo, Calamitatem ex obitu Pastoris acceptam facilius feremus.

Quo præside, Gregorio XIII. sedente, sub Illustrissimo Cardinali Columna Archiepiscopo. Aemilius Scattaretica patritius Salernitanus I. C. in eadem Salernitana Ecclesia Canonicus & Primicerius, ad Cathedralem Rauellensem Ecclesiam nullius Diœcesis regendam, oꝝ singulares eius animi dotes, fuit ordinatus Episcopus. Cuius Corpus in Ecclesia Conuentus Sancti Nicolai Ordinis Minorum de Obseruantia de Salerno in Cappella Sancti Didaci eiusdem familiæ, marmoreo sepulchro, reconditum quiescit.

Eodem etiam Præfule, Sebastianus Massa I. C. Salernitanus, uir sanè præclarus, Ecclesię Cathedrali Carriatenſi, Sanctæ Seuerinæ Archiepiscopo Suffraganeus regendę, ab eodem Gregorio Pontifice fuit electus Episcopus. Quemadmodum, & præclaræ memoriæ Vincio ex eadem præstanti familia de Massa de Salerno, à Leone X. Friderico Fregosio Archiepiscopo, Cathedrali Gaiacensi Ecclesiæ, Capuanæ Metropolis, fuerat Episcopatus onus graue, honorificè impositum. Qui cum verbo & exemplo, oues sibi à Domino creditas per annos aliquot instruxisset, Salerni moriens; in sua Cappella Sancti Nicolai de Palma subtus Aquam, vt in eius Epitaphio legitur, sepeliri uoluit. Quo etiam tempore (ut innumeros ex nostris in omni scientiarum genere præstantes, omit-  
tā) floruerūt Antonellus pater, Ioannes Nicolaus & Vincen-  
tius Concanonicus noster filij ex Illustri familia de Roge-  
rijs de Salerno Philosophiæ, Medicinæ, ac sacrae Theologiæ  
fidi interpretes; ita facundi & grati, ut ad eos audiendos  
& in-

& inuisendos, cupida disciplinarum iuuentus, undique con-  
flueret.



Anno Christi. 1591.

**M**ARIVS Quinquagesimus secundus Archiepiscopus  
Salernitanus, Calatiæ natus, patre Carolo Bologni  
no Bononia oriundo, ex Illustri Bologninorum familia: ab  
ineunte ætate literarum studijs operam nauans, vtriusque iu-  
ris Doctoratu adepto, Romam petit, vbi Iustitiæ Referenda-  
rius efficitur. Cùmque id temporis Vgunoctorum secta in  
Galliis adeò inualuisset, vt Catholicam Religionem proster-  
nere falsis dogmatibus, & armato milite crederent, ijs ma-  
lis, vt occurreret Pius V. Sanctissimæ Mem. Pontifex, Fa-  
bium Archiepiscopum Nazarenum suum Nuntium ad hoc  
munus obeundum delegit; cuius hortatu à Carolo nono illi

I 2 us Re-

us Regni Rege valido exercitu comparato sexdecim millia Vgunoctorum cum Principe Condeor eorum Duce vno conflictu trucidata sunt. Is, sapientissimum senem Consanguineum suum per quinquennium illuc confectatus, tantam in illis curis operam præstitit, ac virtutem ostendit, ut deinde à Gregorio XII pro grauissimis negotijs ad eandem aulam fuerit & ipse transmissus. Cum interea in Agropiceno, & Ciuitate Bononia iuri dicendo laudabiliter præfuisset, ob eius uirtutum merita ab eodem Gregorio Archiepiscopatu Ansanensi præficitur, vbi dum multa memoratu digna egisset, octauo anno à Sixto Quinto ad Anconæ regimen vocatus, ea integritate res Terræ, & maris moderatus est, ut Pontifici, & Populo cumulatissimè satisfecerit. Illinc Sere- nissimo Philippo Rege poscente, & Pontifice annuente ad Crotonensem Ecclesiam, rebus sic exigentibus, transfer- tur, Vbi cum faustè omnia ei contigissent biennio post ab eodem Sisto, feruentibus undique armis in Gallia, ob Chri- stianissimi Regis internecionem, pro noui Regis creatione, tumultibusque sedandis in Regnum illud Nuntius destina- tur. Deinde Gregorio XIV. in Pontificatu suffecto, cum multi Archiepiscopatum Salernitanum per annum iam va- cantem contendissent, ipse omnibus est antelatus, Præsu- latumque inijt vij. Idus Ianuarij anni 1591. ætatis suæ verò 51. In qua, maximo Religionis exemplo, ac pietatis stu- dio sedens, statim Dioccesim periustrauit, visitauit Ecclesias, & oues cognouit; Synodum inde indixit, ac celebrauit singu- lis Annis. Ecclesiam ferè corruentem maximo, sumptu, repa- randam curauit, eandemque assiduis concionibus, sacrisque lectionibus à R. Theologo præstitis, ac Doctrinæ Christianæ pronuntiatione quoto Dominicæ Die à Seminarij Alumnis facienda, magno populorum concursu, & frequentia occupa- uit,

uit, ac honestavit. Ad altaris ministerium nonnulla vasa  
argentea ac paramenta ad sacra peragenda, argento, & au  
to contexta, Ecclesie donavit. Eumque vigilantissime  
pastorale munus exercentem, uberiores fructus in dies al  
laturum, eius Religio, virtus, & bene ante acta vita, pol  
licentur. Deus igitur Optimus Maximus illum  
diutissime nobis incolumem seruet, & ad  
maiora euehat.

**F I N I S**



# IOANNIS BAPTISTÆ PINTI

de Rogerijs I. V. D. Carmen ad

Lectorem.

**H**ISTORICI *MVSCÆ*, Lector, monumenta legistint

Quid de illo sentis? da quoq; iudicium.

Id nōstru n; esse virum, cui multum Patria, multum

Debeat, & Fratrum nobilis ipsa cohors.

Principibus Patriam, quos fama occluserat, ornat,

Pastores Populo restituit que suos,

Quos auo occulerant iampridem tempora longo,

Educit reduces is breuiore stylo.

Sic tutelaris *MATTHÆI* facta coegit,

Si tamen angustæ, verius illa satis.

## SCIPIONIS THESAURERII

Carmen de *MVSCA* doctissimo

Auctore.

**L**EGIT *Apis* flores, an *MVSCA* ignobilis oci?

Non *MVSCA*, at *MVSCVM* qua bene, legit, olet.

*MVSCA* *Apis* hæc eadem, non qua sibi, *MVSCA* liquores

Imbibit: illa vorax, hæc pia sucta uomet.

Sanè *Apis* est, uaria collectos arbore flores

Nobis natura mellificare ducit.

Non secus insignis *MVSCA* hæc Muscosa verendos

Quos legit Patres, aurea donat *Apis*.

Nunc ne dona fauū violentur, *Apostolus* astat

Appositus custos, qui bene seruat opus.



# INDEX EPISCOPORVM

de quibus in hoc opere actum est.

<b>A</b>		<b>M</b>	
Anderamus	fol. 17	Magnaldus	19
Alo	19		
Asterius	15	<b>P</b>	
		Petrus primus	18
<b>B</b>		Petrus secundus	23
Onosius	11	Petrus tertius	cod.
Benedictus	17	Petrus Quartus	24
Bernardus primus	21		
Bernardus secundus	23	<b>R</b>	
		Enonatus	17
<b>C</b>		Rodopertus	cod.
Columbus	17	Rodoaltus	18
		Ractulus	18
<b>E</b>		Rachenaldus	22
Eustherius	23		
		<b>T</b>	
<b>G</b>		Alaricus	17
Ramatius	12	Theupus	19
Gaudiosus	14		
Gaudentius	15	<b>V</b>	
		Erns	13
<b>I</b>		Valentianus	14
Ioannes	16		
Ioannes secundus	25		
		<b>Z</b>	
<b>L</b>		Zaccharias	17
Upus	17		
Landemarius	20		
Luminosus	16		

# INDEX ARCHIEPISCOPORVM

<b>A</b>					
Amatus primus	sol.	26	I	Ioannes primus	28
Amatus secundus		28	I	Isaurus	47
Amatus tertius	cod.		I	Ioannes secundus	50
Alphanus primus		29	I	Ioannes tertius	53
Alphanus secundus		33	I	Ioannes quartus	55
<b>B</b>			L		
Benedictus primus		28	L	Ludonicus	57
Berardus primus		47	M		
Benedictus secundus		49	M	Michael	27
Benedictus tertius	cod.		M	Matthæus	44
Berardus secundus	cod.		M	Marcus Antonius primus	60
Bartholomeus		51	M	Marcus Antonius secundus	61
Barnabas		52	M	Marius	66
Bertrandus		49	N		
<b>C</b>			N	Nicolaus primus	35
Casarius		43	N	Nicolaus secundus	42
<b>D</b>			N	Nicolaus tertius	51
Dauserius		27	N	Nicolaus quartus	52
<b>E</b>			N	Nicolaus quintus	56
Eidericus		55	O		
Frater Bertrandus		48	O	Nufrius	48
Frater Ligorius		51	O	Ostavianus	54
Frater Arnaldus		49	P		
<b>G</b>			P	Hilippus	45
Grimoaldus		27	P	Petrus Gulielmus	53
Gulielmus primus		34	R		
Gulielmus secundus		46	R	Omoaldus primus	33
Gulielmus tertius		50	R	Romoaldus secundus	35
Gulielmus quartus	cod.		R	Robertus	47
Gaspar		59	R	Rogerus	49
<b>H</b>			R	Rodulphus	57
Hieronymus		58	V		
			V	Vrsus	48

# COMPENDIOLVM VITAE ET TRANSLATIONVM CORPORIS BEATISSIMI APOSTOLI ET EVANGELISTÆ

M A T T H Æ I.



*AVCTORE GASP. MVSCA  
Prasbytero Salernitano.*



**M**ATTHÆVS filius Alphæi, Capharnau Ciuitate Galileæ natus, officio Telonarius, à Christo Domino vocatus, discipulus, & Apostolus factus, relictis omnibus, secutus est eum. Octauo verò anno, post Christi ascensionem, cum Apostoli orbem terrarum ad eius Euangelium prædicandum inter se diuissent, Mattheo Apostolo Æthiopia obuenit. Ad quam forti animo se recipiens, primùm in Macedoniam venit, & Thebanis Euangelium prædicauit. Hinc ad Parthos, mox in Palæstinam rediens, ad Hierapolim Ciuitatem Syriæ, ad Myricam maris rubri, ad Antropophagos vsque per triennium verbum Dei annunciando penetrauit. Ad Principem Ciuitatem Æthiopix tandem, ad quam missus erat, sic Domino disponente, peruenit; In eaq; Ecclesiam Christianam fundauit, & uiginti tres Annos sedit.

Habuit plures Discipulos, inter quos fuerunt Candaces Eunu-  
chus, quem Philippus Diaconus baptizauerat.

Egisippus Rex Æthiopix.

**K** Euphe-

Euphenissa vxor Æthiopiz Regis .

Euphigenia Regis Egisippi filia , consecrata in Virginitate cū ducentis aljis Virginibus , martyr , per quam etiam Apostolus & Euangelista Matthæus Martirij corona decorari meruit.

Euphranon Regis Egisippi filius resuscitatus ab Apostolo , eiq; semper adhæsit vbique .

Beor filius Egisippi , post tyrannum Hirtacum , Regnum paternum accepit , anno ætatis vigesimo quinto , & regnauit per triginta tres annos , semper vestigia præceptoris Matthæi secutus est , Ecclesiamq; Æthiopiz satis auxit .

Multos alios discipulos habuit , Episcopos , Diaconos , & Alios .

Primus omnium instituit Aquam benedictam in Ecclesijs asseruandam .

Primus consecrauit Virgines . & est antiquus vsus in Ecclesia , contra Iouinianum , & Caluinum .

Primus scripsit Euangelium , patria , hoc est , hebræa lingua , sub Caligula Imperatore , hinc dictus est Euangelista .

Anno verò sexagesimo octauo à Christo nato , die Vigesima prima septembris in Regia Ciuitate Tarrio Æthiopiz iussu Hirtaci Regis , dū ad Altare , in quo sacra fecerat , pro consecratis virginibus , ipseq; præsentibus oraret , gladio à Carnifice transuerberatus , Martirij coronam suscepit : Ibiq; perhonorificè sepultus , Annos 252. permansit .

Anno 320. Mercatores Britanni Spiritu Sãcto ducti a d Tarriũ , iam à Barbaris vastatum , appulerunt , & ab Apostolo admoniti , inde Corpus eius in minorem Britanniam , Salomone Rege , ad Promontorium ( antiquitus Goboa ) hodie Promontorium sancti Matthæi , hinc eadem nauī ad Regiam Ciuitatem Leggiam , transtulerunt , vbi per quinquaginta annos , quieuit .

A Leggia verò Anno 370. cū à militibus Neapolitani Regni fuisset funditus euerſa , Gauinius eorum Dux , reuelante Amelio Britanno sacerdote captiuo , inde Calabriam versus ad partes Lucaniz nauī gloriosum Apostoli corpus magna cum lætitia , & reuerentia , inimicorum spolijs & tanto thesauro onustus , transportauit , ibiq; per annos 584. mansit .

Quo tempore beatissimus Apostolus Pelagiz cuidam Moniali Vetulz in somnis Corpus suum manifestans , ipsa filio Athanasio monacho , qui in Altare quodam à Barbaris diruto , & vepribus vndequaque contexto , sacrum corpus reperiens , exinde ad par-

uam

nam Ecclesiam propè, Pèstanam Cinitatem locauit. Hinc verò Ioannes Pèstanus Episcopus ad Cathedralem, vocabulo Sanctæ Mariæ, eximia pompa deportauit.

Anno verò 954. sub Agapito secundo, Bernardus secundus huius nominis Episcopus, ac Gisulfus Princeps Salernitanorum die sexta Maij, Corpus Apostoli ex Pèstana Ciuitate Salernum, in Cathedralem Ecclesiam sub vocabulo Sanctæ Mariæ Angelorum, transferri curarunt; in qua requieuit Annos 121.

Tandem circa Annum 1075. sub Gregorio septimo, fugato & expulso Gisulfo secundo à Duce Roberto Guiscardo, eius ære, tēplum in honorem Beatissimi Apostoli Matthæi in sequenti anno ædificatum est, & in inferiori ipsius Templi Basilica corpus eiusdē Euangelistæ conditum, Alphano primo huius nominis Archiepiscopo. Qua in Ecclesia vsq; ad hodiernum diem, magna cum hominum frequentia, ac pietate colitur.

Dens Apostoli fuit ab Episcopo Pèstano Athanasio monachō, donatus, & brachium dexterum ipsius Euangelistæ, Adinolfo Be neuentano Duci, instante Gisulfo eius consanguineo, concessum iam hodie est Salerni in Reliquiario supradictæ Ecclesiæ. Itaq; Corpus totum integrum ad tutelam, & patrociniū Salernitanorum, ex quo sacrum Manna effluit, Dei opt. maximæ benignitate, possidemus.

---

F I N I S.

---

*Auctores, ex quibus hæc de Beati Apostoli & Euangelistæ Matthæi  
Vita breuiter & summatim excerptimus sunt.*

Romoaldus secundus Archiepiscopus Salernitanus.  
Edimbertus Longobardus.  
Frater Stefanus Lusignanensis Ordinis Prædicatorum.  
Marsilius Archiepiscopus Salernitanus.  
Regius Episcopus Vici Equensis.

*Errata sic corrigito.*

*Errata sic corrigito.*

In fol. 11	Baronnius	Baronius	fol. 47	1806	1306
fol. 13	Ecclesiæ	Ecclesiæ	fol. 48	vigesimus septimus	vig. quartus
2 fol. 15	Steadorici	Theodorici	fol. eodem	vigesimus quartus	vig. quintus
fol. 19	Sighenulfos	Sighenolfus	fol. 49	vigesimus quintus	vig. sextus
fol. 22	popolo	populo	fol. eod.	vigesimus sextus	vig. septimus
fol. 23	orundus	oriundus	fol. 51	trigesimus quartus	trig. quintus
fol. 24	construxerant	construxerunt	fol. 50	capellam	cappellam
fol. 25	conscripto	conscripti	fol. 52	spectet	spectabat
fol. 34	Guglielmus	Gulielmus	fol. 55	capella	cappella
fol. 37	bonarumq;	bonorumq;	fol. 56	anno 1334	1534
fol. eod.	scripsi	scripsit	fol. 58	ad S. Catherine	adde Ecclesiã
fol. 38	deliberatione	deliberatione	fol. 60	Nouembris	Nouembrii
fol. 41	discretionis	discretioni	fol. 61	capellanas	cappellanas
fol. 44	loca	loco	fol. 63	te cum	tecum

*Imprimatur.*

Ardicinus Biandrà Vic. Gen. Neap.

M. Cherub. Veronen. Theol. Archiep. Neap. vidit.



*Neapoli, Ex Typographia Stelliola, Ad  
Portam Regalem. 1594.*









